

文
獻
叢
編

第
十
七
輯




中華民國二十二年十月出版

文獻叢編第十七輯

編輯所 故宮博物院

發行所 故宮博物院出版發行所
電話東局四四三六

印刷所 故宮印刷所
電話東局一六九八



費	郵		價目表	
	本	市	五	每月一册
每期一分			角	半年六册
每期一角	外	埠	二元七角	全年十二册
每期二角五分	外	國	五元二角	

本市 上海 天津各大書店均有代售

（ 婦 迎 ） 圖 俗 風 灣 臺



高 30.7 c.m.

寬 32.7 c.m.

台灣風俗圖原藏內務府造辦處
現存文獻館分上下二冊共二十
四圖不著繪者及年代絹本著色
每圖均附說明迎婦圖之說明云
番人以媾爲嗣娶婦則離其父
惟大人以龜佛等社於牽手後擁
女以歸勢如擾奪與他社出贅者
不同夫婦離異罰先離者酒一甕
或牛一隻若配合已久造高昇
婦遍遊諸社中番衆往來贈遺
布歸宴同社則永無離異矣

文獻叢編第十七輯目錄

臺灣風俗圖(迎婦)

光緒十年大亞美利加照會

雍正朝關稅史料 續第十一輯未完

乾隆朝天主教流傳中國史料 續第十六輯已完

光緒二十年各國使臣呈遞國書禮節單

秋瑾革命案 續第十六輯已完

宣統二電報檔選錄 續第十六輯未完

雍正朝關稅史料

雍正硃批諭旨不錄奏摺

江蘇巡撫張楷奏報揚州關稅銀兩摺

雍正三年十一月初十日

江蘇巡撫臣張楷謹奏爲奏明揚關贏餘銀兩仰祈睿鑒事竊照揚州關稅務臣自履任以來已經題明仍委揚州府知府孔毓璞管理當查從前署撫臣何天培任內自雍正元年拾壹月貳拾壹日起連閏扣至雍正貳年拾月貳拾日止壹年限滿除正課伍萬貳千伍百柒拾陸兩叁錢伍分外報解過贏餘銀壹萬柒千肆百陸拾兩茲查該關稅課自前署撫臣何天培任內雍正貳年拾月貳拾壹日起至臣任內雍正叁年拾月貳拾日止已滿壹年之限據該府報稱蒙委管理關務恪遵功令恤商裕課查自前署院任內雍正貳年拾月貳拾壹日起至叁年肆月初拾日卸事止計伍個月貳拾日除正額錢糧已經起解外尙存贏餘銀壹萬伍千伍百陸拾貳兩伍錢貳分捌釐暨臣任內自本年肆月拾壹日接管起至拾月貳拾日止計陸個月拾日除正額稅銀尙有贏餘銀貳萬捌千貳百陸拾柒兩陸錢壹分肆釐連前署院所存銀兩壹年之內共贏餘

銀肆萬叁千捌百叁拾兩壹錢肆分貳釐合行據實一併報明聽候起批解部等情到臣除臣前蒙皇上聖恩允臣在司庫內將閒款銀兩清還債負臣令卽在關稅贏餘之內動用銀貳萬兩另摺奏謝外尙有贏餘銀共貳萬叁千捌百叁拾兩壹錢肆分貳釐另文解部合將揚關壹年限滿贏餘銀兩實數臣謹繕摺恭遣臣標下把總宋遇恩賚摺奏明伏乞皇上睿鑒施行右謹奏聞雍正叁年拾壹月初拾日

硃批此一項如何使得此事面諭浙撫李衛路過來口諭

兩廣總督孔毓珣奏報太平粵海關稅銀兩摺

雍正四年二月十二日

兩廣總督臣孔毓珣謹奏爲奏報關稅銀兩事竊臣於上年署理廣東巡撫帶管太平粵海兩關稅務初次自五月二十一日起至七月二十日止太平關盈餘銀八千六百三十兩粵海關盈餘銀壹萬伍千二百兩業經臣奏報在案第二次署事按關稅報滿季分太平關自七月二十壹日起至十壹月初壹送印前壹日止收過正稅壹萬四千七百六十兩零盈餘銀二萬壹千二百二十四

兩又粵海自七月二十四日起至十壹月初壹送印前一日止收過正稅壹萬壹千七百八十八兩零盈餘銀三萬四千七百壹十壹兩零二關共收正稅銀二萬六千五百四十九兩零共盈餘銀五萬五千九百三十五兩零內臣署任內解到卽發藩司貯庫彙解銀四萬二千二百二十七兩零臣交印後解到經撫臣楊文乾收貯銀壹萬三千七百八兩零皆賴皇上恩德普照是以商賈絡繹今遠處各口臣經差查明白理合奏報謹奏雍正肆年貳月拾貳日
硃批知道了

廣西巡撫汪漜奏查梧州潯州稅規銀兩數目摺

雍正四年五月二十五日

廣西巡撫臣汪漜謹奏爲查明稅規銀兩事臣接准部咨令臣將梧州潯州二府稅銀實在徵收之數詳悉確查另委廉幹能員監收每月據實儘收儘解一年之後視收過稅銀於舊定解額外果贏餘若干據實定議具奏臣隨遴委蒼梧道張若霈赴梧監收右江道喬于瀛赴潯監收業經題明在案伏查額稅之外各衙門向有稅規名爲茶果梧州府雜稅定額一萬一千一百一兩零遇閏

加七百四十七兩每年茶果督臣八千兩撫臣八千兩布按二司各四千兩蒼
梧道一千兩合計銀二萬五千兩潯州府雜稅定額四千三百四十六兩零遇
閏加三百二十二兩每年茶果督臣三千二百兩撫臣三千二百兩布按二司
各二千四百兩左江道六百兩合計銀一萬一千八百兩再查桂林府雜稅定
額六百三十二兩零每年茶果撫臣一千二百兩布按二司各八百兩合計銀
二千八百兩平樂府雜稅定額一千一百八十九兩遇閏加六十六兩每年茶
果撫臣八百兩布按二司各八百兩合計銀二千四百兩統算梧潯桂平四處
共茶果銀四萬二千兩皆溢於定額是贏餘之數顯有確實矣今奉旨清查已
飭該道該府將茶果銀兩盡歸正項儘收儘解總俟一年後將徵收確數據實
奏明以定正額所有查明向來稅規銀兩數目臣不敢不備悉具奏仰祈皇上
睿鑒臣謹奏雍正四年五月二十五日

硃批喬于瀛用錯了

楊文乾奏太平關稅事件摺

雍正四年七月二十六日

臣楊文乾謹奏爲奏聞事竊照粵東太平一關從前因盤查過嚴客商多由別路行走以致課銀漸少臣抵任以後查知其弊卽出示輕減商賈樂趨課額或可少增已經奏明在案今扣至本年七月二十日已滿一年除正項外計共得盈餘銀四萬五千七百二十四兩查上年盈餘銀三萬八千六百三十兩今年多增銀七千一百二十餘兩現在另行具疏題報并委員將銀兩解部合先繕摺奏聞伏乞皇上睿鑒雍正肆年柒月貳拾陸日
硃批知道了

福建巡撫毛文銓奏請嚴禁商船偷越禁洋摺

雍正四年十月十二日

福建巡撫臣毛文銓謹奏爲奏聞事竊惟閩省海關查自康熙五十六年以前西南洋未經禁止商船往各國貿易者皆得自由所以監督每年征收銀兩倍於定額任滿之日無不滿載而歸及至康熙五十六年以後西南洋已經禁止閩人以海爲生偷越禁洋者雖不一而足然究不能任意往還故所收錢糧亦不如前迨歸巡撫衙門管理前撫臣黃國材卽據廈門行戶許藏興等詞稱海

關稅務歷係興等辦納往年開洋之時洋船到廈甚多各省商客無不來廈貿易稅課充溢自禁洋以來客商猶有到廈者關稅爲重不得不赴廣東澳門地方零星兌換回廈應付請禁各衙門措索等因業經前撫臣准行在案及臣到任後許藏興等復以前事懇請臣反覆思之不從則關稅勢必缺少從之必有偷越禁洋之弊事在兩難當行前任管理海關之已故糧驛道副使韓奕輾轉查議嗣據議稱若慮其偷越竟不令往澳門換貨則廈門生意冷淡錢糧必致大虧似應照舊許往但當限其來回月日并嚴示曉諭不許借端私往禁洋仍須加意查察倘有偷越事發照例治罪等因臣雖循行然揭示曉諭嚴查不啻再三乃於本年九月二十八日據委管海關事務延平府知府張道沛並泉州府知府張無咎稟稱職等每奉檄嚴查今查有寧波府洋船一隻船主李進係泉州同安縣人氏由暹羅國裝載鉛錫各貨進入泉州臬塗海中僱溪船搬運在新橋頭李舉行內理合稟明究審等因臣查暹羅係屬西南禁洋不許偷越者今李進一船竟由該國裝貨而來此卽借澳門換貨違禁偷越之明驗也所

以益知凡有稱往澳門之說悉屬飾辭總不可信除檄泉州府將船貨封候船主人等分別收管嚴審明確具詳到日另摺請旨遵行外伏查臣子之義凡欽奉管理鹽關未有不圖國課多增盈餘溢額如臣管理閩海一關豈不思錢糧歲益年加庶犬馬之心得以少安萬一臣愚昧無知再四熟籌惟有仰請聖恩准將閩省商船許往安南之一著耳臣查安南原不在奉禁之內昔日原任兩廣督臣楊琳題准後曾有移文知會督臣及臣衙門因前督臣覺羅滿保欲索取洋商陋例不遂是以格而不行所有楊琳原來咨文臣謹錄呈睿覽今臣已與督臣高其倬商量俯容具題請旨外臣思海洋各國除東洋原未禁止若又益之以安南資生之路廣矣倘實欲往澳門不但限以來回月日并令取具廣東香山縣知縣印結回閩繳驗否則卽以偷越治罪如此則資生之路益廣而違禁偷越必衰卽錢糧亦無虧缺之憂矣合先一并據實奏聞伏乞皇上聖鑒謹奏雍正肆年拾月拾貳日

硃批你的識見朕實信不及朕從何批諭

蘇州織造郎中兼理漕壑關稅務高斌奏改訂商船稅率摺

雍正五年二月十五日

蘇州織造郎中兼理漕壑關稅務奴才高斌謹奏爲請旨事竊奴才蒙皇上天恩兼理漕壑關稅務經收商課已滿一年所有任內收過錢糧例應將部頒商人親填印簿送部查核但其中數目向來俱係遵照則例止將額稅銀數扣報其餘概不登填歷久相沿遂成故套奴才伏查漕壑關則例輕重懸殊如豆稅一項名曰加補料有樑頭小販之分小販則例每石稅銀七分樑頭一丈八尺者稅銀六十七兩三錢奴才到任收稅見樑頭一丈八尺者交銀七十七兩五錢三分又外加銀二十餘兩不等比照則例有浮多三十餘兩者奴才細問原由據山陽江都樑頭船戶呈稱丈八之船原照則例納銀六十七兩三錢後因有將船改造深寬者是以往年有均鈔之請以簽量担數作樑頭丈尺如丈八樑頭以二千九百八十二石爲率納銀七十七兩五錢三分合計每石二分六釐若內有不及數者則按二分六釐一石遞減如逾數者亦照此例遞加倘有過船艙限槽之上是在本船之外所刮餘豆照小販例上納庶與國課無虧此

實至公之道衆商遵行已久等語奴才查小販則例每石稅銀七分樑頭只收二分六釐相去懸殊甚屬偏枯以致從前小販豆貨雖寬至五分一石仍不抵關多被樑頭包攬奴才仰體皇仁寬減招徠將小販豆船照現收米稅之例每石收銀四分而小販客商俱踴躍來關急公完納其樑頭大船據稱有改造深寬奴才循照舊例逐船簽量多者依數每石二分六釐遞加所刮餘豆每石亦止二分六釐所收銀兩俱入庫歸併盈餘儘數彙解特是部定則例一丈八尺加補止納銀六十七兩三錢因此歷任親填簿內俱照則例填寫其餘銀兩概不登填若所填與則例不符恐致部駁是以奴才任內親填簿亦係循照向例填寫奴才再四思維雖係相沿已久但樑頭船戶完稅數多填簿數少未免不服致生疑議且將奉旨部頒之印簿良法美意並未實力奉行竟爲虛文故套奴才愚見自應照現收實數填報庶爲妥協仰祈皇上勅部定議嗣後部發商人親填簿內俱令照日收實數登填不必止照額數扣報盈餘錢糧係儘收儘解之項盡數據實填寫庶稅關收課革除陋弊實力奉行而刁頑商船亦不得

借詞疑議矣奴才愚昧未知可否伏乞皇上睿鑒勅部議覆施行謹奏請旨雍正五年二月十五日

硃批該部議奏

楊文乾奏粵海關稅務及陋規摺

雍正五年閏三月初一日

臣楊文乾謹奏爲奏聞事竊照廣東粵海關稅務于正月二十三日已滿計去年洋船僅到七隻除正額銀四萬三千七百五十兩俱發布政司收庫羨餘銀四萬八千零委員解送內部交納已經起身外查粵海關陋弊甚多臣先將書役藉稱繳官公費需索商民陋規銀一萬餘兩情由查出革除奏明在案此外尙有分頭担頭樑頭等項係管關衙門陋規相沿已久臣思若一併革除徒於洋商有益與小民無涉况洋商獲利甚厚亦不必令其再加便宜但臣受恩深重絲毫不敢自私總計各項陋規共得銀三萬八千一百有零臣本擬差官至別省穀賤處所採買穀石以廣倉儲近聞各省穀價頗不甚賤採買亦覺艱難容臣經過江西湖廣地方時親加探聽確實或仍買穀貯廣或將銀兩解部以

充公羨俟臣陛見時面奏請旨今因海關羨餘銀兩解部合將所得各項陋規數目一併奏聞伏乞皇上睿鑒雍正五年閏叁月初壹日

硃批到京面奏

四川布政使佛喜奏川省稅正額盈餘銀兩摺

雍正五年閏三月初五日

四川布政使臣佛喜謹奏爲奏明川省稅口正額盈餘銀兩事竊查設關收稅原爲裕課通商正額之外但有盈餘自應儘收儘解惟是川省從前因循成習皆將盈餘銀兩分送督撫司道以爲稅規養廉併辦地方事務以致徵收甚多而報解甚少殊乖急公之義臣於雍正四年四月到任後奉文清查臣思旣令屬員儘收儘解隨將臣衙門稅規革除仍令通報解司貯庫以充正項併分檄各稅口儘收儘解嗣因各屬報解甚少屢次駁查申飭而地方遼闊卽時逾半載臣因不得盈餘確數復選撥承差往各稅口提取日收流水底簿併帶經管經承面訊嗣據陸續提到逐一查算除先查出城都府額解稅銀止陸百玖拾伍兩捌錢玖分零有盈餘銀貳萬肆千叁百柒拾叁兩貳錢貳分外今陸續查

得廣元縣額解銀壹千肆百捌拾壹兩柒錢肆分零查出盈餘銀肆千叁百柒拾陸兩圓中縣額解銀壹百捌兩柒錢陸分零今查出盈餘銀貳百壹拾叁兩肆錢捌分零雅州額解銀貳百捌拾陸兩肆錢柒分零今查出盈餘銀柒千柒百壹拾叁兩伍錢貳分零叙永同知額解銀陸百肆拾柒兩肆分零今查出盈餘銀伍千陸百玖拾叁兩肆分零監理同知額解銀貳百貳拾柒兩柒錢肆分零今查出盈餘銀貳千捌百玖拾叁兩壹錢陸分零遵義通判額解銀叁千柒百玖拾貳兩叁錢捌分零今查出盈餘銀柒千柒百肆拾肆兩肆錢肆分零蒲江縣額解銀壹百貳拾兩玖錢陸分今查出盈餘銀肆百叁兩玖錢以上俱係查算各稅口日收底簿取據經承口供無異可爲定額至夔關稅銀前據現參之夔州府知府喬鐸具結報稱雍正三年止收銀貳萬貳百有零臣因初到川省且時值川江封碇客商頗少臣於八月終隨據結詳稱暫爲定額仍令其儘收儘解如有徵多報少查出立即揭參嗣復嚴查勒令儘解雖據喬鐸前後陸續三次共增報盈餘二萬壹千玖百有零先後共報盈餘銀肆萬伍百捌拾叁

兩叁錢壹分實解過司庫銀貳萬伍千貳百捌兩玖錢下欠銀兩現同查出各稅口盈餘未解銀通詳督撫察核題明分別著追至夔關稅額已委原任東川府周彬查收俟其收至一年再爲定額至臣從前止以訪問據結轉詳未經提

取日收流水調訊經承

硃批誰教你不提取調訊

雖後復嚴查增報而前此失察之咎

硃批豈止

失察之咎而已哉

分所難寬

硃批事已誤辯不行

再臣前摺奏關稅鹽茶盈餘可幾於拾萬此係

訪查之數今提取各稅口日收簿清算盈餘銀除鹽茶外已有玖萬叁千玖百玖拾肆兩零其鹽茶盈餘雖經會查但臣誠恐尙有遺漏未得確數今臣現署按察司印務容臣逐一查清另摺奏聞爲此繕摺據實奏明併同硃批恭繳伏乞皇上睿鑒施行謹奏雍正伍年閏叁月初捌日

硃批覽

常賚奏請開洋貿易摺

雍正五年四月十三日

奴才常賚跪奏爲奏請一例開洋以便民生事竊照粵東地方民間米穀常苦不足荷蒙聖明垂鑒特頒上諭閩廣兩省督撫常稱本省產米甚少不足以敷

民食總督高其倬亦曾具奏巡撫楊文乾則云廣東所產之米卽年歲豐收亦僅足供半年之食朕思本省之米不足供本省之食在歉歲則有之若云每歲如此卽豐收亦然恐無此理或田疇荒廢未盡地力或耕耘怠惰未用人功或奸民希圖重價私賣海洋二者均未可定昨曾面諭九卿今廣西巡撫韓良輔奏稱廣東地廣人稠專仰給於廣西之米在廣東本處之人惟知貪射重利將地土多種龍眼甘蔗烟葉青靛之屬以致民富而米少廣西地瘠人稀豈能以所產供隣省多人之販運等語此奏與朕前旨相符可知閩廣民食之不敷有由來矣著二省總督巡撫等悉心勸導俾人人知食乃民天各務本業盡力南畝不得貪利而廢農功之大不得逐末而忘稼穡之艱至于園圃果木之類當俟有餘地餘力而後爲之豈可圖目前一時之利益而不籌畫於養命之源以致緩急無所倚賴而待濟於隣省哉假若隣省或亦歉收則又將何如哉該督撫等務須諄切曉諭善爲化導俾愚民豁然醒悟踴躍趨事則地方不致虛耗而米穀不致匱乏矣奴才接准部咨仰見宸衷遠照鉅細不遺隨卽欽遵通飭

各地方官曉諭化導確查凡有餘地盡令開墾不得栽植果木貪利逐末其有田可耕怠惰遊蕩不務本業者責成族房長及鄉保人等悉心勸導務令力田耕作並通飭沿海文武嚴加稽察不使偷運米穀出海希圖射利以仰副我皇上爲民籌畫之至意惟是廣東各府非山卽海田少人多沿海人民藉開洋生業者不可勝數自康熙五十六年禁販南洋止准赴安南及內地五省往來是以商船各遵停止今閱邸抄福浙督臣高其倬條奏開洋一事已荷聖恩允准南洋一體貿易在案奴才伏查海洋貿易船隻閩粵兩省爲最多且粵省戶口實繁于閩省或籍此貿易之贏餘不無少補耕耘之不足仰懇皇上俯准照閩省之例一體開洋則海濱無限窮民可資糊口咸沐浩蕩皇恩於百萬斯年矣奴才未敢擅專謹先繕摺密奏倘荷兪允奴才當另行具疏題請至一切防範之法及商船回棹酌量帶歸米穀之處悉照閩省條例遵行於地方實有裨益矣謹奏雍正五年肆月拾叁日

硃批此事已面諭孔毓珣楊文乾來矣

福建巡撫常賚奏太平粵海兩關稅務情由摺

雍正五年七月十九日

福建巡撫臣常賚跪奏爲奏明太平粵海兩關稅務情由事竊臣至愚極陋仰沐皇恩委署廣東巡撫兼管太平粵海兩關稅務自接署及今將幾五月無時無刻不以裕課恤商爲念且必確查兩關稅務實在多寡得以詳細據實奏聞庶不負皇上委用之深恩也查兩廣春夏之稅有限所賴者盡在秋冬如太平關除正額外上年奏報羨餘銀四萬五千零臣接署時查撫臣楊文乾僅交下羨餘二萬六千零臣自三月十八日接署起至六月二十日一年期滿止除正額外按日計算應該羨餘銀一萬五千零今據韶州知府按月報解尙缺羨餘銀一萬有零隨查向例除正額羨餘外猶有單錢平餘等項統歸餘羨亦僅得銀八千四百餘兩今發司貯庫統交署撫臣阿克敦奏報尙不足羨餘一千有零仰冀聖鑒查粵海關惟賴彝船但彝船必待風信於五六月間到粵所載貨物無幾大半均屬番銀輸鈔納餉必候彝人買貨完畢除所買貨物按則納餉外統計每銀一兩抽分頭銀三分九厘此係舊例是一年稅課之正羨咸賴秋

冬將有餘以補不足除每年正額四萬三千餘兩羨餘四萬八千兩外彙船稍多尙可餘銀四五萬兩臣自接署至離署日止共計一百五十日該正額銀一萬八千二百餘兩除現收船鈔貨稅以及各口解到之稅共計銀三萬一千二百餘兩彙交署撫臣阿克敦收貯外尙有瓊州等遠口各委官未經報解者俟解到日統作羨餘項內于年滿奏報獨是臣于前任藩司時傳聞撫臣楊文乾徵收課稅去年設立專行計共得銀二十餘萬隨卽密察未得其詳迨蒙聖恩委署巡撫印務復行確訪詎經手庫稿兩房經承撫臣楊文乾於臨進京之先各給路費俱令回籍矣至彙船今歲進口時停泊數日並無行店承攬因思開行招客惟利是圖何以遠巡畏縮窮加訪查又詢之各商僉云廣東洋行向係十六七家去歲撫臣楊文乾新例將彙人帶來銀內每兩預行加一扣收共計得銀四萬三千餘兩及上餉之時仍照收稅耗外復抽分頭銀三分九厘均令專放之六行先行辦繳又發銀數萬兩差人往別省置買湖絲茶葉磁器等貨貯如升行飭令儘先賣完方許各行賣貨今現貯續買到廣未曾發賣湖絲二

百餘担現在崇義店陳騰官行內客商知有積貨併慮貨到不能先賣以致往來稀少各行畏懼等情此臣察訪年餘未得其實不敢冒瀆今既確鑿斷不敢姑爲狗蔽壅於上聞有干欺隱之咎謹案實直陳伏乞睿鑒謹奏雍正五年七月十九日

蘇州巡撫陳時夏奏揚關稅務事件摺

雍正五年七月二十四日

蘇州巡撫臣陳時夏謹奏爲密陳請旨事雍正五年柒月拾壹日臣接部文奉旨宿遷關稅務著交與年希堯就近兼管由關稅課著該撫遴選就近地方賢員管理欽此臣以瓜州附近揚關業將由關併歸揚關與呂大雲兼辦自能盡心料理另行題報外硃批「好」臣更查揚關爲南北通衢其間支河汊港不一如泰州之滕家壩江都之白塔河大橋鎮泰興之口岸鎮等處每有商貨盤剝遠越揚關今查白塔河等處嚴行察禁所出入者俱係農家小艇薪米零星無事稽查擾累獨泰州之滕家壩通江達河北來貨船由淮屬之廟灣而至壩直達江南其南來貨物亦從此遠道北上實爲揚關之漏卮向設稅局司一員駐扎彼

處凡土產入城之物皆由稅局抽稅雖云儘收儘解計每年僅報參百餘兩解
布政司庫充餉而奸商每將貨船借名於稅局司投報公然遠越揚關無從稽
察訪有地棍包攬剝送以充私囊實皆揚關之正課也臣請將此項土稅酌增
貳千兩以爲定額歸併揚關征收同本關稅銀按季分款造報其稅局一官請
旨裁革卽著揚州府遴委親信之人巡查坐收按照則例分別商課土稅令其
完納則揚關課項更有盈餘如係本地農莊小艇日用米糧零物悉如舊例仍
行免征如是則可除商貨漏越之弊而於國課不無少補臣一面確查具題聽
候部議硃批卿自然籌畫妥協而爲之者題到有旨謹先具摺密奏請旨遵行陞任蘇松巡道孔毓
璞業經起身所管上海關稅務臣暫委松江府知府周中鉉署理現在題報硃批
此人合並具奏統乞皇上睿鑒施行謹奏雍正五年柒月貳拾肆日

硃批覽

蘇州織造郎中兼理潯墅關稅務高斌奏將正額稅銀及盈餘解部摺

雍正六年正月十六日

蘇州織造郎中兼理漕暨關稅務奴才高斌謹奏爲奏聞事竊奴才蒙皇上天恩兼理漕暨關稅務自雍正五年二月十三日接收關稅起至本年正月十二日連閏又一年期滿共收正額銀一十九萬一千一百五十一兩三錢八分八厘又收盈餘銀一十六萬二千六十六兩七錢七分九厘一毫除第一第二第三三季正額銀已經照例按季解部訖所有第四季正額併一年盈餘銀共二十萬九千八百五十四兩零現在起解戶部交納外理合繕摺具奏伏乞皇上睿鑒施行謹奏雍正六年正月十六日

硃批覽

楊文乾奏查粵海太平二關前任餘銀數目摺

雍正六年二月初一日

臣楊文乾謹奏爲據實奏明事竊照粵海一關臣于雍正四年分經徵稅餉除正額羨餘之外另有分頭擔頭樑頭各雜項總計管關衙門規禮共得銀三萬八千一百餘兩已於去年春間具摺奏明在案今值起解雍正五年分羨餘銀兩之期臣現在將前項分頭等銀附解內庫外所有雍正五年分收過正羨等

關娘娘廟拿獲住持范義並于破屋內查獲不全五女傳道經板八塊此外查無不法經卷板片將各該犯押帶來省具稟到臣臣正在八閩督辦挑工當卽飭司派委幹員詳細研鞫擬議詳報去後茲據按察使陳守訓督同濟南東昌二府臨清州惠民莘縣恩縣等審擬詳解前來臣提犯親加研訊緣李四卽李丕勳籍隸齊河伊父李羣龍在日自幼多病經不知姓名遊方道人授以十步工夫十步脩行運氣燒香等歌訣李羣龍私自習練遂爾病愈李羣龍口授伊子李丕勳奉爲秘訣從不傳人乾隆四十六年四月李丕勳因家貧難度前赴口外三座塔地方尋親不遇今寄居王家障子之恩縣人王煥款留周濟復爲覓館訓蒙又有恩縣人王坦在彼傭趨亦與李丕勳交好四十七年十二月王煥王坦送李丕勳回家李丕勳心感王煥款留之情又與王坦交好隨將伊父所傳歌訣轉傳與王煥王坦王坦卽傳與王忻珩其歌訣等俱係口傳並無刊本嗣王坦因病無聊復思將其教傳人圖謝先傳族兄王均繼傳王克恭李三王浩李二李勤王法王錫珠等九人李三王浩王法曾酬以糧食王浩並借給

錢文未經取利王忻珩轉傳武城縣民張明德李發曾得受布米而王均亦傳王錫齡此外並無再有轉傳之人至五女傳道經係任名倫族祖任西玉因無子于乾隆三十年從夏津娘娘廟携回送至廟內供養冀圖脩善久無人誦習四十七年任名倫翻看經本不知已經飭禁仍供神前去年王法曾經借看旋即送還其夏津廟內所收不全板片係貯于破屋歷年久遠住持范義並未查知委無傳習及刷印留傳情事據各供認前情不諱復令李丕勳將伊父所傳口訣逐條默寫並無悖逆語句與各犯所供相符臣以十步工夫十步脩行等歌詞已屬誕妄至供錢嗅銅種來生錢之說尤屬荒唐明係李丕勳編造冀圖惑衆騙錢其所傳必不止王煥王坦二人再四究詰據李丕勳堅供受伊故父口受向日奉爲秘訣從不傳人後因感激王煥窮途款留又與王坦交好伊等同送回家因思伊父所傳歌訣可以愈病是以傳經並未受伊等財物王坦現可質對至供錢嗅銅的事亦係伊父轉傳因平日窮苦妄想來生有錢所以照着行事並非惑衆騙錢此外亦並未再傳別人等語質訊王坦等供俱符合似

無遁飾臣正在核奏間據歷城縣具報該犯李丕勳忽患痧症年老氣衰卽于四月初五日在監病故委驗屬實訊明刑禁人等並無凌虐情弊除另行咨部外查律載一應左道異端之術佯脩善事煽惑人民爲首者絞監候又例載左道惑衆之人爲從者發邊遠充軍又邪教爲從之犯罪應擬軍者俱改發雲貴兩廣烟瘴地方充軍又律載收藏應禁之書者杖一百各等語此案李四卽李丕勳傳習伊故父運氣脩行等歌詞供錢嗅銅諸邪說傳授王煥王坦以致轉相傳習自應以該犯爲首李四卽李丕勳合依左道異端之術佯脩善事煽惑人民爲首者律擬絞監候已于取供後在監病故應毋庸議王坦王均王忻珩隨同學習且輾轉相傳應照左道惑衆之人爲從者發邊遠充軍例發邊遠充軍仍照例改發雲貴兩廣烟瘴地方各照例刺字王克恭王浩王法王錫珠李三李二李勤張明德李發王錫齡十犯並未傳人應于王坦等軍罪上減一等杖一百徒三年至配所杖一百折責四十板各該犯雖事犯在乾隆五十年正月朔一日欽奉恩旨以前但係左道惑衆之犯情罪較重應不准援減道士任

名倫收藏五女傳道經本范義不將板片繳銷雖訊無傳習及刷印流傳情事均有不合應照收藏違禁之書者杖一百律杖一百折責四十板事在節次恩旨以前所得杖罪例得援免仍勒令還俗李丕勳之子李紹曾並未習教李發之父李萬一王均之子王克惠李三等之兄李大均未入教應請免議各該管牌甲人等業經舉首均免置議王坦王忻珩所得糧布照追入官王煥俟咨提到日訊明有無別傳另行議結起獲經卷板片卽飭銷毀齊河縣知縣湯桂武城縣知縣莊誠立恩縣知縣宋良棟雖屬失察俱係自行查出獲犯稟報例得免議除將李丕勳默寫歌訣另繕清單連各供詞恭呈御覽外所有拿獲邪教人犯審擬各緣由理合恭摺具奏伏乞皇上睿鑒勅部核覆施行謹奏乾隆五十年四月十三日

乾隆五十年四月十九日奉硃批三法司核擬速奏欽此

李丕勳傳習歌訣

一步工盤膝坐存心定氣
二步工閉朱戶調理真心
三步工咬銀牙內外不動

四步工疊足運抵住火門五步工收一口先天元氣六步工密密的暗轉分明
七步工活潑潑復履蓮臺八步工慢慢放仔細消停九步工咽一口陰返陽勝
十步工這纔得母子相逢一步修行走曹溪三岔路口少人知中間有條消息
路只怕輪迴行的遲二步修行走仙橋找着仙橋就塌了扶起獨木橋一座有
個仙人任逍遙三步修行去朝山密密綿綿往裏轉前邊龍虎攔着路後有主
人去當先四步修行十字街四門邪事當清解若還四事你不攛死生輪迴不
得歇五步修行鴻雁嶺攔住去徑也難行猛然睜睛抬頭看鷓子翻身直到頂
六步修行火燄山多少迷人受熬煎觀音老母來搭救一洒甘露透三元七步
修行見本體嬰兒撞在娘懷裡嬰兒見娘心歡喜娘見嬰兒痛悲啼八步修行
雙林樹脩的元陽合一氣復性本是十六兩身高丈六可齊體九步修行過元
關看見旂兒空中展開關打鎖往上闖秘門炮響振破山十步修行功業滿猛
然觀見天外天天外天裡有果位穩坐家鄉九葉蓮又每日子時朝北午時朝
南卯時朝東西時朝西吸取清氣三口默念歌訣清晨早起莫貪眠淨手拈香

到佛前輕輕跪在佛前地免了三災共八難午時燒香永無災一朵蓮花遍地
開門上上了無縫鎖時時捲起珠簾來酉時燒香要虔誠字字行行寫分明真
香玉爐蓮臺奉退去濁愚還上清子時燒香謹加功家宅六神側耳聽邪魔外
崇驚千里八爪金龍照宅中又每逢初一十五上供一桌再供錢二文磕了頭
將錢用手擦熱放在鼻孔下嗅取銅氣名爲種來生錢念的歌訣是弟子某人
今當某年某月某日某時無恩可報具供一桌供錢二文望老爺空中照應准
入聖冊

福建巡撫雅德拏獲西洋人方濟覺等摺乾隆五十年四月二十一日到
福建巡撫臣雅德跪奏爲緝獲天主教洋人審明解京并究拏習教各犯分別
定擬恭摺具奏事竊臣欽奉諭旨查拏勾引西洋傳教之蔡伯多祿等犯屢飭
各屬嚴密緝緝並訪查境內有無習教之人一體嚴拏徹底究辦不使稍有玩
縱茲於本年二月二十九日據邵武縣稟報該縣境內查有原習天主教犯案
之吳永隆同子吳興順及黎國琚朱見良等現在仍復持齋經署縣丞史元善

會同拏獲搜出破舊經本并不全十字架查無別樣不法字跡等情臣卽飭提解省正在飭司訊究間旋據該縣丞等稟稱三月十四日緝獲自江西貴溪縣來閩之西洋人方濟覺卽嘑嘑嘶噠噶一名搜獲身帶銅十字架三個銅佛頭一個番字教經一摺銀番五圓金番五圓並據光澤縣知縣任證報獲先經容留方濟覺之伊益德及習教之涂德先二名又于該犯等家起出十字架齋單等物亦無別樣不法字跡臣查嘑嘑嘶噠噶係姜保祿引赴江西傳教之犯今由江來閩必有傳播惑衆情事隨飛飭委員解省一併審究並准江西撫臣來咨該省已拏獲姜保祿等犯究明嘑嘑嘶噠噶改名方濟覺與宜黃縣民人紀友仇于本年二月二十五日起身前往光澤等處移飭通緝等因今據邵武縣將方濟覺等押解前來臣卽率同司道隔別研訊據方濟覺供稱本名嘑嘑嘶噠噶係西洋西班牙國人乾隆四十四年至呂宋地方與該處天主堂教長六得西哪居住一年餘教長令其到中國傳教該犯遂剃髮易服赴廣東澳門天主堂居住二年餘因該處往來貿易人多習知中國言語四十八年十一月遇

見江西貴溪人姜保祿係屬習教之人該犯詢其有無洋人在彼行教姜保祿答以現有李瑪諾住居萬安縣劉林桂家該犯隨偕赴萬安覓見李瑪諾姜保祿自回貴溪四十九年二月姜保祿復往看望因劉林桂已有李瑪諾在家行教不能容留兩人遂與姜保祿同至貴溪縣紀約伯家居住紀約伯貧難供應該犯托伊族叔紀友仇代爲買食每年許給花銀八圓八月間適有邵武縣禾坪村人吳永隆之子吳興順販布到彼至紀約伯家探望紀約伯留同吃飯共相閑談吳興順曾以伊父吳永隆亦奉天主教之事向其告知迨九月內紀友仇帶引該犯出外往來弋陽鉛山玉山等境因無人奉教仍回紀約伯家本年二月聞知江西查拏天主教人犯緊急紀友仇將該犯領往宜黃路過光澤借厲伊益德之父伊文生家伊文生亦因閩省查拏嚴緊不敢久留令其子伊迪我代挑行李送至路外伊迪我轉回該犯與紀友仇同至宜黃而宜黃亦在查拏慮難逃避想從僻路潛回澳門因不識路徑憶及吳興順曾經道及伊父吳永隆現亦奉教因與紀友仇商量赴彼詢訪路途詎出宜黃城五里被紀友仇

誑取金番一圓先行逃遁該犯心慌只帶隨身洋錢十字架等物徑投禾坪訪問吳姓當被該縣丞盤獲至吳永隆一犯係伊父在日曾隨伊迪我等受教該犯又于乾隆二十四年聽從洋人郭伯爾納篤行教案內擬徒援赦減杖奏明完結嗣出教十有餘年因患病不痊隨又持齋該犯之子吳興順亦隨父吃素上年八月赴貴溪販布生理于紀約伯家會遇方濟覺說知奉教情事是以方濟覺聞拏希冀同教欲往該犯處問路覓人轉送未經見面卽被詰獲其黎國琚朱見良二犯訊係伊等故父從前俱與吳永隆之父奉教伊等遂相沿吃素涂德先係隨同已故之妻伯吳遠千持齋等情各供不諱臣以方濟覺旣由江省來至閩境伊益德之父伊文生受托容留復爲引送而吳永隆之子吳興順復于紀約伯家告知奉教之事必有輾轉串結情弊反復嚴詰據方濟覺堅稱前到江西原想傳教先因安身未穩又無奉教之人迨後聞拏嚴緊隨處躲避急思覓路回澳卽被盤獲委無傳教情事至與蔡伯多祿硃批此人何至今未獲從不認識亦不知別處另有傳教洋人至吳永隆等亦稱自父奉教相習持齋與該犯

均不認識矢口不移查方濟覺卽嘯嘶嗚噶踰越重洋潛赴江西希圖傳教是否僅止一身別無夥黨恐所供尙有不實不盡必須解京質審以成信讞臣隨派委文武員弁將該犯管解起程同搜出佛頭十字架番經等物前赴刑部衙門投收歸案辦理至吳永隆前奉天主教已於二十四年獲案治罪乃猶不知改悔尙敢私自奉行此等怙惡匪徒若不嚴加懲創無以端風俗而正人心吳永隆應照邪教爲從例從重發雲貴兩廣烟瘴充軍伊益德訊係其父伊文生容留方濟覺在家卽挑送行李亦係其弟伊迪我但該犯明知查緝傳教洋人知情不舉亦難輕縱應照吳永隆遣罪上量減一等杖一百徒三年吳興順向方濟覺告知奉教之語訊係信口閑談究無招引情事應與奉教之黎國琚朱見良涂德先均照違制律杖一百各加枷號一個月黎國琚雖年逾七十不准收贖起獲破舊經本等物飭行銷燬失察之文武各職名另行查叅姜保祿伊文生伊迪我紀約伯等俱經江西本境拏獲應聽該省審辦逸犯紀友仿雖據方濟覺堅供自宜黃地方卽已在逃仍嚴飭各屬並移會江省一體查拿

務獲另結此外有無傳習經教之人臣不時留心督飭訪察有犯必懲不使縱漏以盡根株除備錄供冊送部聽候核復外所有緝獲洋人方濟覺卽啣嘶噤噶審明解京并吳永隆等分別定擬緣由臣謹由驛恭摺馳奏並繕方濟覺供單恭呈御覽再督臣富勒渾駐浙不及會銜合併陳明伏祈皇上睿鑒謹奏
乾隆五十年四月二十一日奉

硃批該部知道欽此

廣東巡撫孫士毅續獲西洋案犯解京審辦摺

乾隆五十年四月十六日發
乾隆五十年五月初六日到

廣東巡撫臣孫士毅跪奏爲續獲引送洋人之犯解京質訊仰祈睿鑒事竊臣會同督臣舒常於本年三月十五業將緝獲引送洋人之潮陽人鄂斯定卽陳姓又名何亞定及知情之馬亞成譚錦章等奏明解京審辦在案嗣經嚴飭各屬緝拿本案未獲之犯據南海縣知縣毛圻稟稱訪有學習天主教之保昌縣人陳姓教名鄂斯定與上次解京之鄂斯定姓氏教名俱屬相同恐亦有勾引

洋人往各省傳教情事將該犯密拿到案該犯始猶抵賴反覆究詰據供本名陳達宗教名鄂斯定向與江西人周多默同教認識四十九年二月盡邊周多默到伊家說有山東人邵珩在省請兩個西洋人赴直隸山東傳教現有同教之潮陽人鄂斯定送至保昌伊不願同去要該犯伴送前往該犯應允遂到船與衆人見面次日同周多默邵珩及兩個洋人一起行走復有直隸人安哆呢趕到同行至江西地方周多默轉回廣東該犯同邵安二犯伴送由漢口起岸四月初間抵直隸廣平府威縣居住有西洋人梅神甫在彼行教給該犯銀二十兩作回家盤費該犯止曉得送去的西洋人一個改姓白一個改姓伊不知道他的本名至同行邵珩安哆呢外並無李姓其潮陽人鄂斯定實止送到保昌並未一路同行等供再加嚴訊矢口如一臣以前次解京潮陽人鄂斯定據供引送洋人之周多默至江西地方轉回與此次保昌人鄂斯定所供情節相同至一稱同行止有邵珩及李姓並無安哆呢一稱同行有邵珩安哆呢並無李姓又潮陽之鄂斯定供稱係伊送至山東滕縣南沙河地方保昌之鄂斯定

供稱係伊送至直隸威縣地方供詞互異或其時西洋人竟有兩起該二犯分路引送因質証無人不肯盡情吐露或係前次解京之鄂斯定爲護教起見直認自己送到山東將保昌之鄂斯定有意隱匿爲開脫同教地步均未可定其狡猾情形深可痛恨查潮陽人鄂斯定業經解京其邵珩安哆呢亦經直隸山東解送刑部至周多默一犯上年伴送德天賜等尙未出京或該犯聞刑部查辦之信已經回來藏匿廣東及伊本籍江西亦未可知現在嚴飭各屬並知會江西一體緝查務獲所有此次續拿之鄂斯定卽陳達宗自應一併解京歸案質訊卽可水落石出現在委員卽日起解赴部併另繕供單恭呈御覽伏乞皇上睿鑒謹奏乾隆五十年四月十六日

乾隆五十年五月初六日奉硃批覽欽此

湖南巡撫陸耀覆奏嚴緝蔡伯多祿摺

乾隆五十年四月十一日發
乾隆五十年五月初六日到

湖南巡撫臣陸耀跪奏爲恭摺覆奏事竊臣承准廷寄本年三月二十四日奉上諭西洋人赴各省傳教業經據各督撫陸續解京審明定擬完結其在逃之

蔡伯多祿最爲要犯乃至今尙未就獲可見辦理全不認真該犯原籍福建而廣東湖廣係其平日逗遛之所此時畏罪竄匿總不出此數省著傳諭孫士毅特成額富勒渾陸耀吳垣雅德卽速嚴飭員弁設法購線務將要犯弋獲若以案延日久漸視爲海捕具文則是該督撫等有心疎玩恐不能當其咎也欽此臣查蔡伯多祿爲起意接引洋人之要犯臣自上年以來屢經選委員弁設法購線分段偵緝責令各府州就近督率稽查又於境內與湖北廣東廣西交界之岳州澧州永州郴州等處專派勤幹精細之丞倅分駐水陸可通處所嚴密截拏并於平日曾習天主教之家訪有素與該犯認識之民人陳顯二黃在田等發交委員作爲眼目帶同跟緝迄今未據報獲今奉諭旨嚴切訓誨又添委員弁密赴四境并飭地方正佐各官加緊確查如經別處拏獲供出曾在該地方潛藏卽先將該管各官嚴行叅究決不敢以案已審結稍存懈弛致令此等要犯倖逃法網所有臣遵奉嚴拏緣由理合恭摺覆奏伏祈皇上睿鑒臣謹奏

乾隆五十年四月十一日

乾隆五十年五月初六日奉硃批今尚未獲何也欽此

閩浙總督富勒渾覆奏嚴緝蔡伯多祿摺

乾隆五十年七月初一日發
乾隆五十年七月十七日到

閩浙總督臣富勒渾跪奏爲欽奉上諭事六月二十四日接奉六月初十日上諭據孫士毅奏蔡伯多祿遍訪並未在舉自必尙匿湖廣福建著卽上緊緝拏欽此臣伏查該犯蔡伯多祿勾引洋人通信傳教實爲此案要犯節次欽奉諭旨嚴拿臣與撫臣雅德卽揀派文武員弁協同地方官嚴拿並將該犯原籍逐戶挨查懸賞出示務期必獲當將輾轉傳教之方濟覺等拿獲解部收審在案至蔡伯多祿一犯未能得有踪跡以至上煩聖念愧悚靡窮但該犯所到省分現在一體嚴拿無處托足誠如聖諭或潛回福建原籍亦未可定臣謹遵諭旨嚴督揀派之文武各員協同地方官多差幹練兵役懸立重賞改裝易服不動聲色慎密體訪並飭將某日到某處緝訪之處會同地方官五日一報查考如該犯一有潛回之信立獲解京以仰副聖主鋤莠戢奸之至意所有臣接奉諭旨及現在嚴緝緣由理合先行恭摺覆奏伏祈皇上睿鑒謹奏乾隆五十年七

月初一日

乾隆五十年七月十七日奉硃批以實爲之欽此

湖廣總督特成額湖北巡撫吳垣覆奏嚴緝蔡伯多祿摺

乾隆五十年六月二十二日發
乾隆五十年七月十九日到

湖廣總督臣特成額湖北巡撫臣吳垣跪奏爲遵旨嚴緝恭摺覆奏事竊臣等承准協辦大學士尙書和字寄內開乾隆五十年六月初十日奉上諭據孫士毅奏嚴拏在逃之蔡伯多祿設法懸賞逐戶挨查並未訪有在舉情事等語蔡伯多祿係福建人僑寓湖廣地方起意接引西洋人寔爲此案要犯必須嚴緝就獲現據廣東省遍查無踪該犯自必尙匿湖廣或潛回原籍福建均未可定此事竟責成特成額富勒渾陸燿吳垣卽嚴督屬員選派幹役實力偵緝購線躡拏務期迅速弋獲如再不上緊查拏使要犯日久漏網惟該督撫等是問將此由五百里各傳諭知之欽此遵旨寄信前來伏查蔡伯多祿曾在湖北巴東縣僑寓後鬻產赴粵上年三月內又至湘潭縣雇覓船隻同赴廣東引接西洋

人傳教是楚中係其往來熟遊之地臣特成額於事發之初卽經屢飭文武各官密速躡拏并懸立重賞設法購緝嗣獲有賀宗道等四犯訊與蔡伯多祿同教認識卽選派幹員帶同四犯作爲眼目分途偵捕先經奏蒙聖鑒臣吳垣抵楚後復屢次催查不敢弛懈臣特成額并于查閱湖南營伍時到處諄諭各屬加緊查拏如視爲海捕具文一經獲犯究出曾在楚省竄匿定卽嚴行參奏陸續接據稟報查緝情形雖似認真而要犯迄今仍未報獲臣等督緝無能寔屬咎無可逭茲復欽奉聖訓跪讀之下慚悚焦急莫能自解覆思蔡伯多祿一犯籍隸閩省往來楚粵聞拿潛匿自不出此數省之外今廣東遍查無踪福建原籍復無報獲則楚省尤宜加意緝捕不容少存諉卸臣等現又恭錄諭旨嚴飭兩省文武及原委各官上緊偵捕勿論深山密箐處處搜查水陸津卡嚴行盤詰不使稍遺餘力并將蔡伯多祿面貌訊問的實繪具圖形註明籍貫犯罪事由轉發文武各官交令保甲兵役人等密行訪探俾該犯無所托足以期迅速就獲臣等荷蒙聖恩畀以重任似此匪犯久稽獲辦午夜難安惟有刻刻留心

寔力督捕斷不敢稍存疎略致干咎戾所有現在嚴緝緣由理合恭摺覆奏伏乞皇上睿鑒謹奏乾隆五十年六月二十二日

乾隆五十年七月十九日奉硃批今就獲否欽此

兩廣總督富勒渾奏摺

乾隆五十年九月二十八日發
乾隆五十年十月十八日到

兩廣總督臣富勒渾跪奏爲嚴拏要犯以肅海防事竊臣接准部咨令將引進傳習西洋邪教案內之逸犯蔡伯多祿周多默等犯上緊查拏務獲等因除卽移行東西兩省文武實力偵緝獲報外伏查該犯等查無踪跡臣前在閩省時欽奉諭旨責成查拏卽經揀派文武員弁協同地方官多差幹練兵役懸立重賞改裝易服慎密體訪迄今尙無獲報實切惶愧茲調任兩廣因思此案起自粵東蔓延他省該犯蔡伯多祿等與洋人熟悉方能在粵接引而洋人因潛赴內地始得與該犯結交總由海口不嚴至匪犯得以混進查粵東廣潮瓊廉等處皆係沿海口岸而澳門大關一帶尤爲現在夷船聚集之區西洋人吧咂哩映等大約多係假托貿易附搭洋船進口至粵之澳門黃埔等處停泊報行取

保卸貨之後仍歸原報之行歇寓辦理一切是以內地奸民接引各犯往往在此况本年進口洋船倍于往日更加閩商出洋船隻數號飄收粵口民夷雜處查察尤當嚴密卽如泰來行商林時懋攬辦之吧唯夷船竟敢於黃捕透漏瑪璫稅課數百餘斤當被拏獲經臣飭司審究是內地奸商串通夷商潛行不法實難保其必無臣現在委丞倅員弁於各海口不動聲色密訪偵捕一面開具逸犯名單密諭行商於夷商報行之際留心體察有無匪夷混入內地而內地奸民有無來行招引夷人該行旣爲商保斷無毫無聞見之理務須據實卽行稟報查拏倘該犯蔡伯多祿等或因各省搜捕緊急仍來粵省希圖附搭洋船出口遠颺自得立時就獲不致漏網

硃批想早已遠颺矣

所有臣准咨辦理緣由理合恭摺具奏伏乞皇上睿鑒謹奏乾隆五十年九月二十八日

乾隆五十年十月十八日奉硃批以實爲之餘有旨諭欽此

宣統元年十月十八日奉旨

諭旨

出日

其

其

其

其

其

其

其

其

光緒二十年十月十五日各國使臣呈遞國書禮節清單清軍機處存檔

是日寶座前設黃案一恭慶親王先在東旁侍立本衙門堂官二人帶領第一起使臣一員隨同參贊繙譯員由文華中門走甬道進文華殿中門使臣一鞠躬向前數步一鞠躬至龍柱間向上正立一鞠躬使臣致詞繙譯譯文各畢使臣向前至納陛中階下捧書恭候恭慶親王由左階下接受國書由中階上置案前將國書陳於案上使臣一鞠躬皇上答以首肯示收到國書之意使臣退回龍柱間原立處恭慶親王在案左跪聽皇上以國語傳諭慰問恭慶親王由左階下至使臣站立處用漢語傳宣使臣聽畢一鞠躬皇上答以首肯本衙門堂官帶領使臣退後數步一鞠躬退至殿左門一鞠躬卽由左門帶出下殿左階出文華左門第二起以次均如前儀

按光緒二十年十月十五日爲慈禧后六旬萬壽是日各國使臣呈遞國書致賀於文華殿

但恨無團體此事非數人可成者奈何說罷長嘆數聲收淚無言陸史二人暗喜方欲開言忽聽愛羣向道內地之人心及各處之志士如何呢陸木秀道內地的人不分清宗族一味拍胡人馬庇自命爲忠君愛國叫甚麼保皇黨專以奉仇爲文殘害同種的各處志士又分爲保皇革命兩黨保皇的不必說他都是爲名利心熏黑了良心惟知巴結胡人以圖富貴誰知胡人倒胸中有個界限不是他同族的隨你怎樣巴結他還要殺他們呢胡臣剛姓說過將土地送與奴僕不如送與朋友朋友就指外國奴僕就說我們漢人了你說可恨不可恨呢乃革命部分數種卻又不外真假兩種一種假的專祇紙上談兵以博一虛名爲歛錢地步與內地懵懵懂懂的人及保皇會無非爲自私自利起見如胡人有數百銀子一月或賞一個主事進士便奴顏婢膝爭先恐後把排胡耶革命耶這些話丟到爪哇國去了還要洋洋得意你說可殺不可殺如真革命黨惟以報祖宗的仇光復祖宗的土地爲自己漢人造幸福不求虛名譽不懼生死不畏艱難必要取回所失的土地爲目的不願爲他族之奴隸此方爲真

革命家也黃漢雄卒然問道此等真革命君知之否若有吾願入之甘爲同胞一擲此血肉之軀而不惜史競歐道尙有諸君何梁左江鮑四人齊聲道黃妹如何吾等必從吾分二之心史陸二人相顧驚異道竟不知諸君有此毅力有此同心然吾二人卽當衆派出訪求同志諸君若能起誓吾卽當爲介紹五人卽指天起誓陸史二人大喜當晚卽告會中情光復爲名已數春勦立之人身姓岳却是武穆岳王孫名叫漢忠多勇武會長今推韓氏君亦是世忠蘄王裔後輩名字武超羣更有那文思宋和謝光趙黃復更和章漢霖李齊趙武張祖傑錢山肅共熊希霖張氏繼權宗希祖更有慕嘉姓是孫鄭繩武君張又振更有忠遺張煌生皆是忠臣之後裔盡爲會中得力人我祖卽是史可法爲明梅山葬忠魂陸甦君祖秀夫者亦爲國亡身死水濱宋亡於元亦胡虜今日裏又見胡人坐殿庭思之痛哭皆流涕無奈同胞實太昏漢雄問道除此外會內曾否有別人競歐便道人多甚此十餘人爲首領名盡智勇兼全者最上須推韓岳君散會計有數千衆勢力年年日有增惟有一種最困難手內無錢事不成

黨中略有微資者惟有文君第一名此外韓岳張李耳五人毀家助黨銀舉世根本如茲巨卽平常營謀也要銀入不敷出真無奈杯水何能救車薪近日行謀一件事未知可成不可成我二人專任招同志內地機關盡有人廣東史氏又堅任他兄前已殉同羣湖南孫化和馬慨湖北事歸賈其銘安徽莫自強和萬又復江南招待派封雲浙江柴氏和齊氏四川鄒氏小容君甘肅陝西河南地王李陳三人盡是勇聞名山西盧曾身任事山東徐謝作經營貴州雲南地偏僻雲是楊郎貴是金

江皖督撫電咨

端午帥來電 辰密接馮夢帥電開搜查徐匪信件內有同黨嘉興縣小落北村人方世鈞又有會稽縣昌安門外皇甫莊人范肇基號愛農東京物理學校學生等語已分電北京日本密拿第恐該犯等潛回原籍并乞電飭一體偵緝此外尚有信中帶叙之竺酌仙許仲青曹醴泉陳濟安呂鳳樵童濟時六人是否同黨尙無實據亦未悉其籍貫一併奉聞請飭確查見示

端午帥來電 辰查匪黨光復子陳伯平已在軍械所格殺宗漢子馬子畦亦已拏獲供認不諱紹郡大通學堂查辦情形若何金華匪黨滋擾已平靜否仍祈隨時電告

馮夢帥來電 辰昨又搜得徐匪信箱內查有方世鈞誓書一紙語極悖逆方世鈞籍浙江嘉興小落北又有沈鈞業致徐匪書信八件多有謀皖之語並有運動奉天巨匪馮麟閣之意沈鈞業籍浙江山陰縣西郭門張墅村請速派文武嚴密捕獲以絕後患徐匪胞弟徐偉致徐匪家書有浙皖辦事兄自酌定等語今皖亂而浙繼之不可不嚴爲防範以保全兩省治安

馮夢帥來電 前於革命匪徐錫麟信箱中搜獲方世鈞誓書一紙語極悖逆又沈鈞業致徐匪八函多謀皖之語方世鈞浙江嘉興小落北人沈鈞業字馥生山陰西郭門外張墅村人都二十三歲現在日本早稻田學校暑假患病寓牛亡町東鄉方以上二名業經端督帥電達楊公使密拿在案嗣在九江拏獲徐偉一犯係徐錫麟之胞弟據供錫麟同黨爲陶煥卿陳子驢龔味蓀陳寮兼

沈鈞業五人素倡革命排滿錫麟妻王氏改名徐振漢與秋瑾同主革命陶煥卿名成章會稽陶堰人年約三十歲面白削剪辮習日本催眠術著中國民族消長史陳子騶名志軍山陰東浦人年二十五歲面瘦削剪辮現在日本龔味蓀嘉興人年二十餘歲矮小剪辮現在日本陳寮兼名德穀山陰賞祊舜家樓人年二十餘歲面瘦削身稍長等語查革命匪黨蹤跡詭密現雖散匿日本難免不潛回內地勾結爲患請飭屬一體嚴密緝拏務獲以遏亂萌至禱

復江皖電咨

南京制台
安慶撫台

辰支電悉大通學堂飭查去後紹興貴守來杭面稟據邑紳密稱

大通體育會女教員革命黨秋瑾及呂鳳樵竺紹康等謀於六月初十邊起事竺本黨首羽翼萬餘人近往嵯縣糾約來郡等語當派兵隊赴紹初四日申刻搜查大通及嵯縣公局該匪等開槍拒捕兵隊還擊斃兩匪并獲秋瑾及餘匪六人起出後膛槍二十五桿子彈數百并探得該匪等因徐匪刺皖撫後謀俟竺黨到紹開會追悼卽行起事秋瑾供不吐實查有親筆悖逆証據獲犯程毅

亦供秋瑾爲首已電飭將秋瑾正法仍搜捕未獲各匪并飭嵯縣文武嚴捕金華先後格斃捕誅匪黨二十餘人地方尙靖特聞餘容隨時續電

續據稟明擊傷之匪傷後

只斃一匪當時電碼誤將擊傷譯作擊斃

南京制台 辰元電敬悉前據紹興府稟徐匪兄弟已逃搜查無據匪父鳳鳴投到訊不知情父子反對人人皆知等語查皖電本言匪父有誠子書且紳商學界俱保者多業飭取保以靖人心大通學堂除秋瑾外共獲六犯現欲究其內容未定讞人情初極惶亂出示曉諭略靖

本案內獲犯供開羽黨

趙宏富號卓齋縉雲縣人

竺紹康字酌仙一號牛大王嵯縣林河莊人

王金發廩生身矮

呂鳳樵處州人

周金海縉雲縣廩生卽縉雲海

張恭號伯謙金華舉人

沈榮古山陰人寄居永康

方汝林即小木癩子

江皖電咨通緝匪黨

方世鈞嘉興小落北村人

范肇基號愛農會稽皇甫莊人

許道亨即振鵬嵊縣人

以上三名江督電咨嚴拿

沈鈞業號馥生山陰西郭門張墅村人

陶煥卿

名成章會稽縣陶堰人
剪辮習日本催眠術

陳子驢名志軍山陰縣東浦人年二十餘歲面瘦削剪辮

龔味蓀秀水縣人年二十餘歲矮小剪辮

陳寮兼名德穀山陰縣賞祊舜家樓人年二十餘歲面瘦削稍長

徐王氏改名徐振漢係徐錫麟妻游學東洋

以上六名皖撫電咨嚴拿

秋瑾親筆告國人書(一)

嗟夫我父老子弟其亦知今日之時勢爲如何之時勢乎其亦知今日之時勢
有不不容不革命者乎歐風美雨澎湃逼人滿賊漢奸網羅交至我同胞處於四
面楚歌聲裡猶不自知某等爲大義之故不得不愷切勸諭者也夫魚游釜底
燕處焚巢旦夕偷生不自知其頻於危殆我同胞其何以異是耶財政則婪索
無厭雖負盡納稅義務而不與人以參政之權民生則道路流離而彼方昇平
欲舞侈言立憲而專制乃得實行名爲集權則漢人盡遭剝削南北兵權旣純
操於滿奴之手天下財賦又欲集之一隅練兵也加賦也種種剝奪括以一言
制我漢族之死命而已夫閉關之世猶不容有一族偏枯之弊况四鄰逼處彼
乃舉其防家賊媚異族之手段送我大好河山嗟夫我父老子弟盍亦一念祖
宗基業之艱難子孫立足之無所而深思於滿奴之政策耶某等眷依祖國之

前程默察天下之大勢知有不容已於革命用是張我旗鼓殲彼醜奴爲天下創義旗指處是我漢族應表同情也

秋瑾親筆告國人書(二)

芸芸衆生孰不愛生愛生之極進而愛羣蓋種族之不保則箇人隨亡此固大義瞭然毋庸多贅者也然試叩我同胞以今爲何時則莫不曰種族存亡之樞紐也再進而叩以何以可以免此存亡之問題則又瞠然莫對否卽以政治改革爲極端之進化矣嗟夫歐風美雨咄咄逼人推原禍胎是誰之咎雖滅滿奴之族亦不足以蔽其辜矣夫漢族沉淪二百有餘年婢膝奴顏脅肩他人之宇下有土地而自不知守有財賦而自不知用戴醜夷以爲主而自奴之彼固倚來之物初何愛於我輩所何堪者我父老子弟耳生於斯居於斯聚族而客處一旦者瓜分實見彼卽退出藩服之列固猶勝始起游牧之族奈何我父老子弟乃聽之而不問也年來防家賊之計算著著進步美其詞曰立憲而殺戮之報不絕於書大其題曰集權而漢人失勢滿族梟張嗚乎人非木石孰不愛

生而愛羣逼於不獲已則祇能守一族之利益矣彼既弁我種族置之不問之列則返報之道亦所當爲奈何我父老子弟見之不早也某等菲薄不敢自居先知然而當仁不讓固亦嘗以此自勵今時勢阨危實確見其有不容己者爲是大舉報復先以雪我二百餘年漢族奴隸之恥後以啟我二兆方里天府之新帝國宗旨務光明而不涉於曖昧行事務單簡而不蹈於瑣細幸叨黃帝祖宗之靈得以光復舊業與衆更始所有遣派之兵馬曉諭如左是我漢族自當共表同情也

秋瑾革命軍制

北路總元帥□□□統轄各部

北路第一師團司令長□□□

北路第二師團司令長□□□

北路第三師團司令長□□□

中路總元帥□□□統轄各部

中路第四師團司令長□□□

中路第五師團司令長□□□

中路第六師團司令長□□□

中路第七師團司令長□□□

南路總元帥□□□統轄各部

南路第八師團司令長□□□

南路第九師團司令長□□□

軍職等級 分八軍用光復漢族大振國權八字以編制之

統帶光字軍大將

統帶光字軍副將

行軍參謀

行軍副參謀

光字中軍

光字左軍

光字右軍

光字中佐

光字左佐

光字右佐

光字中尉

光字左尉

光字右尉

復全上

漢全上

族全上

大全上

振全上

國全上

權全上

服制

衣短衫對襟黑色

包頭布白色

兵士(白月中大書光字餘類此)

肩章(白月中書左右中字樣并書號碼)

自大將以至左尉等皆用胸帶(如西洋懸掛寶星之斜胸帶)以顏色分別等差黃色爲首白次之紅又次之淺藍又次之

旗

用白色中大書黑色漢字

順旗

小三角形內書復漢二字黃地黑字并蓋圖印

鈴記

長方形暫用木

令

用竹牌計八支面寫光復等八字之合同(兩支合寫)壹支由統帶執守乙支由本營執守以証傳令者之真偽

文書

用暗碼(緊要事)照電碼加五十號以防洩漏

泛東海歌

登天騎白龍走山跨猛虎叱咤風雲生精神四飛舞大人處世當與神物遊顧
彼豚犬諸兒安足伍不見項羽酣呼鉅鹿戰劉秀雷震昆陽鼓年均二十餘而
能興漢楚殺人莫敢當萬世欣英武愧我年廿七于世尙無補空負時局憂無
策驅胡虜所幸在風塵高氣終不腐每聞鼓鞳聲心思轍震怒其奈勢力孤羣
材不爲助因之泛東海冀得壯士輔

同胞苦

同胞苦同胞之苦苦如苦黃連壓力千鈞難自便鬼泣神號真堪憐吁嗟乎地
方虐政猛如虎何日復見太平年厘卡遍地如林立巡丁司事億萬千兇如豺
狼毒如蛇一見財物口流涎我今必必興師掃蕩毒霧見青天手提白刃覓
民賊捨身揀民是聖賢同胞苦同胞之苦苦如苦黃連暴政四播逞奸蠹民賊
相繼民嗚咽庚子創禍一二臣今日同胞受熬煎賠款四百五十兆竭我同胞
膏脂以付錢我今必必興師掃蕩毒霧見青天手提白刃覓民賊捨身揀民
是聖賢同胞苦同胞之苦苦如苦黃連鞭笞同胞同犬馬民賊自待若神仙烟
膏有捐酒有捐房捐舖捐無不全襪履之微皆取捐一草一木不寬使我今必
必興師掃蕩毒霧見青天同胞苦同胞之苦苦如苦黃連苛斂一倍復數倍
託名賠款自私焉吁嗟乎天日慘淡冤氣塞此罪此惡難洗湔願我同胞振精
神勿勿勿再醉眠我今必必興師掃蕩毒霧（此下似應有見青天二字）

收山東巡撫致內閣軍諮府陸軍部電

十月初十日

頃商吳統制張參議二鎮十八標刻調奉天本鎮現存步防僅及兩標尙分駐省城維縣德州現擬調續備兵補足步十八標趕緊訓練以備緩急如蒙允准立即照辦盼復琦卦

收駐日本汪大臣致外務部電

十月初十日

東省事內田已照電意訓奉領遵照並電伊使又日照辛丑約補足通海道兵通告駐東同約各使有七百五十名已出發又探聞陸軍省雇氣船載兩師團駛近中國海面伺隙但此說未得確證南京日領尙在城內如有戰事飭注意變青

收第三鎮統制致內閣電

十月初十日

錕初十午前兩點抵津旋奉軍部佳電云准汪統帶學謙電稱一二營到廊坊當電飭逕赴石家莊聽候命令所有隨後各營隊請即赴石不必在廊坊下車等因錕即乘午後四點車趕赴廊坊佈置一切所有各部隊是否接續一律赴

石家莊謹候示遵錕叩蒸

收大同鎮總兵致內閣轉晉撫電

十月初十日

張撫台鑒代州甯武於初七相繼失陷初八敵又奪據陽方大水等口雁門腹背受敵萬分危急倘雁門有警大同亦將難保請速督軍隊前來堵剿若能三日內趕到尙可保全此方地土遲則全晉淪沒恐無下手處矣總以迅速迫切陳言祈速電覆大同鎮王得勝叩蒸

嚴告革黨通電

上海蘇州福州廣東桂林雲南南昌九江安慶太原西安都督均鑒漢陽不能保守大局急迫敵處曾急電閩粵挑選勁旅就海道猛攻天津直搗僞京以圖牽制漢陽北軍此舉於軍機大有關係請各都督會同加電閩粵懇其趕速實行以救危局中國安危在此一舉合力拚命以圖鎮軍述慶陽印

收路透電

十月初十日

據路透栢林訪事電稱膠洲政府現已奉命卽速派兵二百名前往天津

據路透南京訪事電稱革命軍業已進城

發東三省總督電 十月初十日

頃據日使函送日外部復電藍事正在飭查如在我管轄地爲政治運動政府萬不能承認萬一果有此事當嚴重取締等語特聞外務部蒸

英使朱遜典交來節略 漢口英總領事初九日電報

現在廣西江西湖南安徽湖北各省之代表已在武昌其江蘇浙江福建廣東各省之代表今日由上海可到伊等在彼議辦停戰以後前往上海會見袁宮保委派代表之事其宗旨卽每省各自獨辦惟因黎元洪係此舉之倡均稍有顧讓之情黎督僅能代表湖北發言今因漢陽克復致武昌爲難守之區其議不無更改又其餘代表肯讓到如何地步尙未知悉意者大概南京省城情狀與此節甚有關係所到之諸代表必應議辦各省全行停戰本總領事聞得在武昌甚保治安湖北各兵皆深信黎元洪湖南兵因有意見已由管帶官員開往岳州矣本總領事擬於大停戰問題未定時間設法先辦三日之停戰

收第一軍馮統制致內閣電

初十日

今日黃道開文面稱英領調停息戰三天當告以英領居中調停係屬好意殊感友誼惟息戰須定條件一區域二起止時刻三息戰期內投匪軍艦應交何人看守四誰負責任去後旋據黃道回來面稱英領謂看守匪船及誰擔責任難以辦到好在漢陽已克復武昌在掌握中等語據稱報武昌革黨湘匪已逃散鄂匪所贖無多戰鬥力已減少現正整理隊伍部署一切謹聞國璋叩初九

收東三省總督趙爾巽電

十月十一日

奉况仍未安帖藍與革黨各處煽動致鬚匪四起已分別派隊嚴剿日使雖說得冠冕實行却不然仍祈迫令踐言爲懇有前統領胡殿甲亦在黨內爲其鼓惑頃聞胡到京叩謁乞留意武昌日來可復否盼切

收直隸總督致內閣電

十月十一日

據宣化黃鎮電稱溥都護接大同王鎮電初七日代州失守甯雁武亦陷革軍步礮隊夾攻雁門大同隊陣亡三名受傷數名駐雁武衛軍被困等語除電催

楊榮泰從速拔隊赴援並飭黃鎮嚴密籌防外特聞龍隊

收署理湖廣總督致內閣軍諮府電 十月十一日

十二標已到石莊擬調周統領率所部來孝以清黃陂天門兩面之匪乞示遵
祺瑞真

收河南巡撫致內閣軍諮府陸軍部電 十月十一日

真電悉洛陽敵處昨晚開往旗兵兩營又續派右路巡防兩營日內恐難到齊
此外已無可調之兵河南府城今日雖尙無恙頃接來電匪近萬人離城祇十
里已到祇旗兵兩營並原駐該處之防軍二百名深恐不能支持務懇電飭洪
統領先行抽隊星夜往助一面速催六鎮第一標立即開往勿遲是禱蔡真

收調補第二十鎮統制致內閣軍諮府陸軍部電 十月十一日

矩楹由京抵灤因聞奉省近有革黨勾匪暗中煽惑意圖起事職鎮留守軍隊
尙有八營分駐奉天錦州新民三處矩楹前往各防地查閱併與趙次帥接洽
商辦回防各營事宜於初七日由奉回永現正督同蕭統領遵奉命令計畫輸

送各事所有職銜接管開補官長銜名已咨呈趙督帥轉請給委特此報告矩楹叩蒸

收德華報

十月十一日

濟南現甚安謐吳鼎元業已接統第五鎮南京戰事尙未解決

上海來電

十月十一日

內閣袁總理鑒現各省到會代表已一律承認共和國體無庸至北京取決資政院已失代表人民之本意院議各省概不承認并請萬勿再持君主立憲與共和立憲之歧說以救全國輿論之敵各省都督府代表聯合會微印

收直隸總督致內閣電

十月十一日

真電敬悉如果黃鎮力能兼顧即可勿庸派陳永祿護理鎮篆容隨時體察再當商辦龍真

收東三省總督致外務部電

十月十二日

十一日夜二時日人有本重雄田代秀作山根增二郎小林十郎等四人在省

城鐘樓及翰墨軒胡同等處拋擲炸彈三枚幸軍警立時追獲有本田代二名並撿出炸彈二枚今早又將山根尋獲訊據有本供稱此項炸彈係王國柱卽王小堂所購近來遼陽鳳凰莊復等處亂起擬從省城擾亂秩序使我不暇外顧便可得手並定於十四日省外同時起事日人中有東鄉善樹資助餉械又有江崎瑞穗矢野新之助以及大原濱田川崎宮崎等均與王國柱勾結等語查王國柱匿跡日本車站招兵購械已非一日疊與日領商請協擊輒以無據推諉省外匪擾又復阻我運兵以政府特別命令爲詞故意延宕致軍隊均步行前進困難萬分茲據該日人有本等所供實係有意破壞治安冀收漁利供證確鑿決非謠言可比擬請嚴重交涉由日使速電日領立將王國柱拏獲交辦以遏亂萌仍須嚴加約束該國人不得助餉售械與匪勾結如再有似此舉動之事該領應負其責並望通告各國公使以伐其謀異掛是所切盼異文

收河南巡撫致內閣軍諮府陸軍部電 十月十二日

蒸電均悉東西兩路均蒙派兵防剿感謝無極西路昨得前敵報告防陸軍在

函谷與匪苦戰三日夜並未卻退幸姜軍已先後到靈寶當可接上不致再有他虞惟豫省陸軍前次攻克潼關不免有搜取財物情事在軍隊以爲得之匪手官紳則張大其詞前日因運載換下槍彈回汴有大車多輛拖載箱件與姜軍相遇指爲潰兵擄搶逃回沿途衝突頗有死傷彼此意見過深難期融洽軍隊所到秋毫無犯本非易事此時正值多故鄙人又豈敢追究此事况此次前敵各軍孤立無援堅持如許日期亦慮不宜再以此苦責祇有俟姜軍到齊將豫軍陸續調開以免再生枝節至洛陽昨晚開赴豫兵兩營先令堅守府城今日聞府城尙無恙惟此股土匪數頗不少離府亦不遠恐難支持還乞速飭所派一軍卽日開往爲懇彙具

收河南巡撫致內閣軍諮府陸軍部電

十月十二日

頃據河南府電稱巨匪聲勢甚大頃羅其祥自宜陽來面稱王匪奪嵩縣之鳴臬鎮宜陽之白楊鎮奪獲我槍彈甚多其勢猖獗實甚有匪馬隊三四百名步隊在萬數而洛陽之南十餘里匪亦在萬數外非重兵不可救援知府現與馬

步巡防嚴密防守請飛電袁宮保叩懇迅派勁兵速剿遲則蔓延愈多永甯嵩縣文報不通容再詳探電稟等語謹聞蔡真

收河南巡撫致內閣軍諮府陸軍部電 十月十二日

迭據歸德府鹿邑亳州官紳紛紛電稟潁州初四太和初九先後失守匪勢猖獗鹿邑亳州等處同時吃緊永夏虞一帶礮匪又闖入鎮兵單薄不敷分防請速派重兵星夜前來防勦等語查太亳一帶已蒙派倪司長等帶隊前往敵處一時實無大枝軍隊可調務乞催令刻速起程爲懇蔡真

收山東巡撫致內閣電 十月十二日

煙台之變徐道逃匿衆商始推王傳炯主持地方幸以安謐實非所願日前已電請辭職今日琦省城取銷獨立電囑照辦所派孫熙澤已到派署登州府俾可接洽一切請覓與王相熟者速電准其反正並嘉其維持之功許以優擢必可服從至盼爲禱寶琦軫

收山東巡撫致內閣度支部電 十月十二日

真電悉東省借款府部來電尙須磋商交款期遙現懸釜待炊異常危險昨業派王守李令赴京請令務懇俯念東省爲畿輔屏蔽保東卽以保京先行撥發鉅款飭王守等卽日領運限十五前到濟東省幸甚至盼至禱琦震

收駐京庫倫文報局呈庫倫辦事大臣三多來電三件

密探杭達隱佛處歌乞退未允蒙調兵俄助械擬效自立恐口舌無功卽設法密陳閣立罷斥派蒙大臣兼署或可挽救至急庚多

庚電諒轉陳事機急迫非外交難挽回已與俄領密商保治安伊允向蒙古阻調兵明日再邀各王公面談如何續電速代稟多

庚青兩電諒轉陳國是如此謀益狡革黨到俄蒙合外交難恃留益招忌請速簡綑大臣掌印可紓眉急遲恐官電不通印房諸員已紛請假以後文件寄印房勿附函蒸多

收德華報 十月十二日

官軍現正預備由漢陽漢口鎮及曹家塘

音譯

三路進攻武昌上海德國禪臣洋

行買辦正擬坐日本公司南洋輪船由漢回家省視突被上海革黨中一人用槍擊斃兇手已逃

收路透電 十月十二日

路透訪員探悉英政府正與駐華英使朱邇典商議運兵登岸一節但歐西在華近日情形並未危險似勿庸過慮英美日三國協商共出調停戰事頗有是說中國對於各國調停美意無論何時均當歡迎惟爲各國計此時總以嚴守中立爲妥云

收直隸總督致內閣軍諮府電 十月十二日

漢陽克復武昌已有投誠之勢仰見盡謀碩畫決勝帷幄深用慶幸竊謂轉危爲安之要圖固屬政治問題然旣經糜爛如不以兵力繼其後恐憲政亦難及時成立長江爲中國財賦之區使非迅速掃平縱兵力可支經濟亦難乎爲繼現幸武漢克復張勳仍住江甯援浦之軍亦已由鈞處派定似可促令速發會合張軍掃除石城下游匪氛再分第一軍之師由南岸沿江而取九江進規安

慶與在甯各軍互相夾擊惟湘軍素稱强悍兩粵土匪最多可否責成段督會同湘撫設法招募進剿長沙如以兵力不敷一時不能成軍或卽由第一軍內酌派相當隊伍駐守岳州遏其北竄以防不虞一面派遣委員招撫海軍歸順庶海陸連合而長江梗阻之患可以無慮倘長江一經掃清不惟財源可靠且人心厭亂湘浙閩粵自不難傳檄而定憲政亦有所著手矣素仰智珠在握洞燭機宜勝算偉謀必已統籌周密管蠡之見恃愛瀆陳尙祈裁擇是幸龍隊

收兼署察哈爾都統黃致內閣電

十月十二日

頃據庫倫楊管帶電稱庫獨立兩營拔回振烈真等因懋澄軫

收兼署察哈爾都統黃懋澄致內閣電

十月十二日

真電敬悉今酉刻接印大局粗安張垣巡警昨拏匪黨二名供不日起事容飭詳訊嚴辦懋澄文

日本使館探報

十月十二日

頃接南京領事由兵船無綫電傳達今日早上鐵張到領事處商議擬乘日本

兵艦赴滬有此意尙未上船張勳意死守現雨花臺觀音山皆失電不清楚城尙未失情形甚危日本領事仍在城內他國領事早已移至下關又移至各本國兵船上

廣東來電

十月十二日

革軍新政府向該處華商招募公債該華商等因有夥多不動財產勉強應招其額已達五十萬元革軍新招之兵已約有一萬擬將不日出發赴攻北京度克羅斯輪船公司之船兩隻船名一曰海澄他曰海陽已雇妥又有一說該軍官兵以不耐北方天寒之故轉派楊子江一帶助戰云云

香港來電

十月十二日

初十日薩軍門鎮冰到香港又聞不日擬赴福州

濟南來電

頃接浦口站長陳思敬電稱獅子山確已懸掛白旗民軍破船盡開至下關站上安靜等語謹聞鈐文

收京張鐵路局關冕鈞呈內閣軍諮府陸軍部郵傳部電 十月十二日

據駐大同之張綏第十段工程司俞守人鳳電稱初十夜兩點鐘革軍佔據大同府城遵憲詳細將肇事情形調查佔據大同之革軍並非由雁門進攻之大股乃自初八日扮小作土人陸續進城之數百人暗合官軍起事專擊鎮署王鎮軍幸得脫身至府縣均未加害但索款項而已等語理合稟聞冕鈞肅文

南京電 十月十二日

十一日革軍已佔紫金山現攻雨花臺總督及將軍均在日本領事衙署避難擬派兵船保護動身據張勳之言決意死守

上海來電 十月十二日到

十一日午後一鐘黃興到滬

又電 十二日到

據南京專電稱今早兩軍礮戰尤極猛烈之後各首要礮臺已懸挂白旗南京危機似迫目睫之間

收津浦鐵路總辦段書雲電 十月十二日

迭接浦口來電獅子山確已懸掛白旗革軍兵艦已開至下關浦口站尙安靜又云昨募府山戰官軍損傷太重壯兵乏糧今早三鐘開威鳳門過江革軍打開太平門遂佔獅子山浦口江防兵一哨退回浦鎮浦鎮兵有兵八十餘人隨車北上至滁州經勞提調告以前途有革軍遂下車當浦鎮開車時有人開槍向擊幸止中車頭等語特電聞雲文申

收第一軍總統馮國璋致內閣軍諮府陸軍部電 十月十二日

蒸電悉亟宜遵示辦理惟此間情形有猝難入手之勢江權既失兵艦毫無民船遙達彼岸須四鐘之久礮火轟擊卽至傾覆忠勇將士不忍輕於一擲須於上游作計而兵力實在不敷應城一帶間四五十里或七八十里皆有匪踞約兩千餘人當陽消息不通黃陂現雖克復而沿路之匪有如流寇又九江之叛兵頃已於黃州黃梅登岸大勢岌岌可危並有外人攙雜其間欲壞我三道橋鐵路倘一敗壞卽信陽孝感亦不可保總之遍地皆匪飢民逃勇應之商民

亦應者大半此伏彼起我軍只有此數前敵兼顧後路非有實在把握不能進攻現正佈置渡江一切惟匪跡不靖遽得武昌亦不可守必得大枝援兵專顧後路而各要害之處亦必有兵嚴守以絕其竄擾之路方有肅清之一日明知軍府派隊爲難而非此難竟全功故不得不爲此議刻已電商段署督請其電京商辦國璋專顧前敵自不難一舉掃平而後患亦可永絕刻正進圖仍候鈞示國璋謹叩十一

譯英文北京日報 十月十二日

十一日接鎮江專電稱官軍仍堅守紫金山并未被革兵攻破至革兵入紫金山後之太平門一節不確云

收第一軍馮總統致內閣陸軍部電 十月十三日

漢陽收復兵工鋼藥兩廠尙有工匠千餘人所存之械並民間匪黨遺棄之槍枝子彈已令王道亨鑒清查經理該員軍械熟手如令總司其事卽由該員派員分辦如由部派員卽由部員一手經理又地方款項一空宏大規模廢棄可

惜工匠薪餉待發孔殷必有籌維方能舉辦以上各節候示覆國璋謹叩十二日

收第一軍總統馮來電 十月十三日

內閣軍諮府陸軍部鈞鑒文電敬悉本日無戰鬥黃坡後路漢川方面籌備已妥英員過江定停戰日期晚八點尙無回信聞黎酋已出武昌俟有確信再爲電陳國璋謹肅

收直隸總督致內閣電 十月十三日

據宣化黃鎮電稱派駐庫倫之楊管帶振烈真電稟庫獨立全營拔回等語特聞龍元

收署理湖廣總督致內閣軍諮府電 十月十三日

江甯是否全陷無論如何援浦之兵必須速進惟不足一鎮已形單弱五與十二協足禦晉叛第六混成協與二十標急調援浦不然竄魯豫則大局不堪設想爾時雖欲平和恐不可得英使出頭干預何以江甯革軍並不停戰張軍如

未枯滅設法告之上退太平備船北渡統乞鈞酌祺瑞元

收開缺河南巡撫致內閣軍諮府陸軍部電 十月十三日

西路匪勢日益猖獗頃接電告鞏縣偃師一帶汴洛鐵路到處均有聚匪有今夜搶防軍軍械毀鐵路之說敵處無可抽之兵周統領兵隊至今未到勢難坐待聞駐鄭洪統領處尙有一營可開不得已頃已電懇洪統領務於今夜乘火車開往鞏偃一帶暫行護路一面電達彰德營務處轉飭務懇俯允所請飛飭暫先開往應急俟周統領兵到再行抽回至東西兩路均盼兵甚急並乞再行飛催周統領倪司長刻速督隊南下事機甚迫幸勿再延千萬懇禱並候電示
蔡元

收新授河南布政使致內閣軍諮府電 十月十三日

穎州來報革黨由壽來穎確有二千人大礮二尊小礮四尊均開花子彈革匪在穎又募三千餘人內有安徽逃兵二百餘人巡防變兵三百人快槍約二千餘枝太和失守後已陸續西竄距周口之四十里牛口集確有土匪一二百名

四處響應周口戒嚴步隊到齊六鎮馬礮各一隊三鎮馬兩隊均未到乞急電催今晚擬飭高邱兩管帶步隊兩營半船半陸輪換前進十四早可到周口暫住復派探前赴穎太分頭確探冲俟馬礮到齊卽帶赴周口相機進剿並飭倪守毓冲回穎整頓四鄉團練以備助剿冲叩元

收山東巡撫致內閣海軍部電

十月十三日

九江軍政府馬毓寶電海籌海琛海容三兵艦及魚雷船一隻昨日來潯自將礮門送上以釋外人與居民驚疑等語特電聞琦元

收調署河北鎮總兵馬金釵致內閣軍諮府電

十月十三日

職鎮初三到洛與趙統領側面商側帶隊進剿職回懷酌帶兵隊到洛防護後路初五甫行到懷卽奉宮保電諭將毅軍三營撥歸節制調遣協助趙統領向西攻剿等因當卽抄錄電諭電請豫撫指撥以便帶赴前敵防剿詎意豫撫始雖允撥兩營並未指明隊在何處無奈遂於十二起程擬俟到洛再電請豫撫指撥行抵孟縣接豫撫電開現在洛陽土匪聚衆甚多勢將攻撲府城以斷我

軍後路情形甚急一時無兵可調已飭張連山親自督率現在函谷關兩營卽日開赴彭婆鎮一帶剿辦事出無奈不能不移緩就急前擬將此兩營撥給尊處祇可暫行取銷俟匪平再作計議諸乞鑒原是幸蔡文印等因似此情形未便再爲電請祇得由孟星夜回懷將留懷防守之新軍三哨酌帶兩哨於十三馳赴洛陽以顧目前危急惟新兵舊械殊無把握然時勢所迫舍此實別無良策伏乞俯念黃河南北爲畿疆屏蔽迅撥兵隊接濟爲叩馬金鉞元

收第一軍總統馮國璋致內閣軍諮府電

十月十三日

本晚十一鐘黃道轉英使語已與黎會議定自十三早八點起至十六日八點止停戰三日茲已照辦並請英使速補公函爲據再前諭息戰五條因於我軍後路不便且武昌革黨及兵艦已乏戰力其餘黃州應城各方面非黨黎亦不能約束只以停戰三日定議國璋謹稟十二日

收順直諮議局直隸保安會致內閣電

十月十三日

漢陽克復軍事雖利人心未回殺戮愈多益難收拾若乘此戰勝之後罷兵息

戰由朝廷自行謙遜宣布共和最足示大公於天下保全中國維持皇室端在此時否則恐激而益烈禍亂相尋亡國之慘終難倖免乞奏明朝廷立即實行舉國幸甚順直諮議局直隸保安會全叩

濟南來電 十月十三日

頃接南段總局庶務處電稱十一夜張制台鐵將軍由旱關逃出十二黎明獅子山仍開砲至八點鐘獅子山扯白旗革軍進城各兵輪仍住下關全局平安聞張制台在新河被獲未知確否局中扯中立旗等語謹聞鈐文成

收德華報 十月十三日

頃德確電南京業於昨日被革軍佔領鐵良已逃張勳不知下落大約業已陣亡

發東三省總督電 十月十三日

文電悉當晚即知照伊使本早晤商據稱日領亦來電當即電令將助匪日人并王國柱概行驅逐出界一面調大連日警總監到奉嚴行取締由日領今日

面謁台端詳陳一切當切請其將王國柱交辦或加圈禁伊云他國租界多有革黨藏匿此層實難照辦各等語現由本部正式照會該使錄稿函達外務部元

發駐法戴代辦電 十月十二日

勾堆第二次合同並武漢鐵橋合同均已簽字已由本部照會駐京法代使現在漢陽克復大局已有轉機革黨主張共和決難成事此次借款並非供前敵之用早日交付則籌備有資可期迅速秩序裨益中外匪淺希告法外部飭勾堆迅速實行合同再據度支部言所有債票均由勾置備是否如此並希查照向來辦法與勾卽行商定並電復外務部文

收駐法戴代辦呈外務部電 十月十四日

頃晤勾堆遵將佳電轉告並催如期交款據稱此事與英資本家已議有端倪惟昨回法見外部司長據云英法德俄美日本諸國會議現時中國如向與議各國商借款項概行拒絕業經公決定議此項借款政府勢難贊成等因故日

內仍須赴英與資本家妥籌辦法起程前再來署晤商等語謹電達霖十三日

收第一軍總統馮國璋致內閣電

十月十四日

今日午後一鐘接到英使停戰公函并簽有字據特聞國璋十三日

收直隸總督致內閣民政部電

十月十四日

本月十二夜探訪局在奧租界拏獲匪棍七人內有王鐘聲一名煽惑起事供證確鑿已飭即日處死其餘六名交由發審處訊明分別監禁遞解並已明白示諭此外決不株連地方安靜特聞龍鹽

收直隸總督致內閣軍諮府電

十月十四日

鈞閣元電敬悉查派兵由浦口進發鄙人已屢言之鈞處已早籌及南京刻既不守恐將北竄情勢益迫關擊甚重現雖議明停戰似宜從速規畫選派勁旅赴浦前據津浦路局報告旬日內車即暢行刻計業將屆期且武昌宣布停戰已經提議綱要前敵似可不必再籌添兵軍情既變自當趨重浦口以保魯直而衛京畿務祈密籌津定軍隊即飭由專車赴浦有備無患想高明必已洞燭

宜希卓奪示覆是叩龍鹽

收山東巡撫孫致內閣電

十月十四日

十一電致王傳炯得復電如下真電敬悉黎黨與政府有和平解決君主民主之說極慰煙埠所以獨立都督知其詳細情形否所謂原有起義之十八人業已盡行解散都督得知否炯之所以抱病竭力維持煙埠者亦正如都督所謂若使民兵激變仇殺惹動外人干預不獨烟埠首遭糜爛勢必斷送山東全省中國大局何堪設想炯若一味坐視奈天理良心何况亦絕非我誨軍人保國保民之原意故炯連日推辭不得後始終以鎮壓地面保護中外人民嚴防匪徒等等爲宗旨烟埠獨立之與不獨立實際上本絕無絲毫差別不過徒經此十八人之一番擾亂而已今奏銷東省獨立自係都督婉轉求全之至意炯當爲東省人民慶幸及至煙台所有一切事似可仍行照舊辦理少一番更動卽少一番擾亂一俟大局定後全國自有統一制度都督若以炯意爲然炯當暫勉竭心力保持煙埠治安否則炯決不敢過問此間事至若炯事一身祇求告

無罪於國民足矣功名利祿非所敢知迫切復陳不勝待命云應否暫時聽之抑如何對待乞示遵琦元

濟南何提調來電

聞張軍門退守烏衣尙有兵約萬人卽駐本路車站左近南段沿途時有革軍出沒並無大批兵隊尤屬難辨識徐州已入革手懸掛白旗徐州道府均去不日卽舉都督頃少滄電又有二千軍在任橋上車之說東省時局日見危迫慕帥一無措置實深焦慮張管帶回省議及該處情形大致亦復如此本路韓莊以北業經接軌尤應預籌防範以冀保全大局其宜如何措置之處尙祈速籌示遵俾資把握不勝盼幸承燾叩寒

段道來電

南段目前救急之計祇有中立一策然僅恃德紀與革軍議訂必不可靠惟有速有遵處切商銀公司卽日請外交團先行嚴重宣布一面速派專員南來與議又聞革黨密謀刻日卽由本路長驅北上此時車輛旣未及全數調回軌路

又未能立時斷阻爲大局計亦非借外交全力以保國家不能有濟事機萬緊刻不容緩祇候裁奪示遵職道書雲稟寒

革黨通電

軍政府鑒連日在前敵視師戰况甚佳南京旦夕可下此後進行亟宜籌畫如派兵援鄂出師北伐以及聯合會之織進行胥關緊要且難刻緩全卽日赴滬與同志籌商一切謹聞德全真

革黨通電

各諮議局公鑒漢陽昨失餉械均先時移置武昌民軍現仍力守各省代表早經多數赴鄂鄂垣軍務正緊急難開議現由留滬代表電請折回組織臨時政府之議決不因漢陽之失而阻目下大局安危不在一時一地之勝負實在統一機關之成否同人在滬公行準備各代表一到便當開會一切進行共矢不懈南京垂下大勢並不動搖仍望諸公力持傑漢陽失敗之因據內部人來滬報告乃由於事權軍令之不一得此懲愆足使我民自知病痛所在恆受砭揉

尙乞諸公有所鑒戒臨時政府行將成立過此以往軍事之部署政權之作用有待於我全國國民之用命以來得其最可寶貴之真自由者無窮也附布心腹伏乞鑒察留滬代表宋教仁林長民居正陶鳳集吳景濂趙學臣等公叩

革黨通電

各省都督均鑒南京告捷屢電通知先是我軍於初十早佔領紫金山天保城兩處擄獲機關礮兩尊擊斃僞管帶黃某一名及變兵六七十人并生擒二十餘人我軍陣亡三人重傷四人輕傷十四人當卽乘勢前進直逼城下張人駿鐵良派胡鎮令宣至蘇軍到統領處議和並要求四款一不傷人民二不殺旗人三准張勳率所部北上四准駿鐵北上除第三款萬難認許外其一二四各款業已應允午間美領事車至場北門與都督開議所言與前略同當告以四事一張勳暫拘俟臨時政府成立再釋二張勳所部概將軍械儲存小營空手出城三由聯軍派員監視將張勳全部遣散四張勳所收括庫款八十餘萬須責令繳出充餉前四款限二十四時內尙無滿意之策復仍立用重礮轟城美

領事卽入城商酌云云頃得確報我軍於今晨六時攻入儀鳳門佔領獅子山九時太平門自開降兵二營鎗亦收回十時已將全城恢復張變聞被擄南京底定矣滬軍都督陳

收外務部曾司員呈外務部電

十月十四日

司員於十二到蕭家港隨謁段軍憲十三赴漢口查知兩方停戰三日謹聞宗鑒叩寒

收第三鎮統制致內閣軍諮府陸軍部電

十月十四日

元電敬悉遵撥山砲一隊並撥步兵一大排隨行藉資掩護准於十四出發交倪司使帶往錕叩問

革黨通電

都督各軍政分府各報館鑒今晨十時鎮軍都親統大軍攻克金陵林都督現暫居督署人民安現正調留鎮人員赴甯辦善後事文鎮江公電

革黨通電

都督均鑒武昌確無恙曾有電到此惟漢陽戰雲密布北兵殘毀無人理令人髮指幸我各省援師陸續到達掃蕩醜虜指顧間事也江甯初六初七兩日迭獲勝仗除佔領地已會通電外現得悉是日擊斃吳王兩僞統領敵軍大爲奪氣是役以後我軍薄城下所以不即攻陷者蓋欲養精蓄銳一舉而定之今晨聞張人駿張勳鐵良逃至日本兵艦諒彼不能守此殘局故相約潛逃耳滬軍都督陳灰印

革黨通電

南昌署都督鑒接湘潭都督電稱現在各處援鄂之師齊集武昌軍令自應統一敝省前後已派赴鄂之師已飭均歸黎都督節制倘該軍隊違抗命令自應軍法從事已電知黎都督查照矣贛軍政府程養文

收第一軍總統馮國璋電

十月十四日

英總領事詢展期停戰係若干日如何條款各省停戰條款是否一律祈核示又云在漢口開議似可辦到因此地與北京通信較便等語國璋叩十四印

收馮國璋致內閣軍諮府電 十月十五日

本日由黃道轉英使語擬請延長停戰日期以便開議已商黃道按前情二條允由十六日續停戰三日國璋肅十五印

收直隸總督致內閣軍諮府陸軍部電 十月十五日

查北洋前購訂槍枝一萬餘杆備撥各州縣添設巡警及練新軍之用並經前督袁核定發給各州縣槍枝章程分爲邊腹兩項邊境不得過百杆腹境不得過六十杆現以各省多事地方不靖各州縣請領槍枝有千餘枝者有數百枝者不得不變通舊章已酌量加至邊縣不得過百五十杆腹縣八十杆藉資保衛又兼戡定鄂亂經袁大臣電撥三千杆熱河都統電撥五百杆河南撫台電撥一千杆北洋添編巡防十營需用三千餘杆除分撥外前項槍枝實存不過二千桿照新章發給各州縣槍枝不敷五千餘桿現在又須添編巡防十營尤需大批槍枝應用現時天津各洋行抬價居奇實屬不易購買且又無現貨非三四箇月外不能運到查前陸軍部曾購有大批槍枝近又留用奉省槍一萬

桿可否卽先由以上兩項內酌撥步槍五千枝馬槍一千枝以資應用各省多事直省爲畿輔重地關係全局實非淺鮮尙祈下念兵單財竭俯賜照允毋任感荷並望見復龍刪

收直隸總督致內閣陸軍部軍諮府姜軍門電

十月十五日

據宣化道府電稟大同失守張家口西二道河兵變去懷安僅二日程宣城馬步隊分撥僅餘三哨稍有警則京師震動宜速派兵來援毅軍苦寒急送皮衣更請派兵駐宣府張家口防其由草地東竄以固京師門戶等語查楊榮泰所部五營准於明日開拔已飭該道府設法籌防務望卓畫統籌加派重兵扼守並將毅軍皮衣速送爲盼龍咸

收直隸總督致內閣軍諮府陸軍部電

十月十五日

刪電敬悉張提督勳營隊先接濟南電謂將來津旋又接電謂已由兗州折回徐州是張軍奮勇尙屬可用若酌助餉械並量添生力兵隊責成扼守徐州亦較妥速尙希卓裁敝處已派蕭道允文齋銀前往犒勞並囑切勿來津龍咸

收開缺河南巡撫致內閣軍諮府陸軍部電 十月十五日

鹽電悉周倪兩軍均已開拔敵處亦已得報現在洛鞏登汝沈項商邱各處雖據紛紛告急均未失陷匪由紳勾結而起大約專事豎白旗聚伙搶少數防軍之軍火苦於本省兵力四散不足鎮懾耳大軍到後或不致釀事容續探確情再當奉達綦咸

收新授河南藩司呈內閣軍諮府電 十月十五日

頃接曹統制電石家莊馬一隊炮一隊今午開拔冲擬今晚十二鐘卽赴周口略爲布置俟馬砲到齊卽督同各隊節節搜索進攻太和沈項戒嚴復接豫撫急電云皖豫毘連各州縣紛紛各急冲所調兵力單已形不敷分剿而一營之中退伍不足三分之一新兵射擊恐難得力查湖北巡防後路左營周管帶茂冬營內有退伍兵三百餘名擬調赴周口由沈項巡緝約期到潁會剿庶皖豫接壤等處期可早日蕩平潔河有劉統領金標駐守可保無虞請釋鈞念嗣冲叩稟鹽

收汴洛路局來電

汴洛西路鞏偃洛陽一帶土匪已有鼓動且有毀路搶站之謠在路員司居民人等均極惶震日昨司員乘票車馳往洛陽察看沿路情形安慰衆心並與敢守綏會商團練事宜據敢守談及該府西南一帶刀匪會匪甚衆沿軌各地方實係不靖由陝州至鄭州電綫阻隔不通頃已由車站代打電報情形甚爲可慮等語查前由豫撫派中路一營沿路分紮仍嫌單薄設遇大股深虞難以鎮懾西路爲開鄭門戶路通則機關皆靈所擊尤重惟盼大兵早到庶免意外之虞

收駐法戴代辦致外務部電

十月十五日

頃遵文電詳告法外部據云現時中國借款專爲籌備規復秩序裨益中外起見法政府亦表同情惟勾堆此項借款既係私人性質又無的實銀行承辦政府未便于與卽礙難飭力實行合同等語再四磋商仍執前議再勾尙未赴英俟晤後再謹電達霖十四日

收吉林諮議局等會呈內閣電

十月十五日

刻值各省變亂紛滋人心不靜吉省兩強逼處風鶴屢驚其所以安如磐石者皆陸軍孟統制恩遠保護之力紳商感戴咸以該員之去留關地方之安危茲聞總理有調該員赴京之信因是衆情恐駭奔走呼號是以電懇總理俯念國家根本重地將帥得人商民用命財產關繫尤重仍留該員暫住吉省商民幸甚大局幸甚臨稟不勝待命之至吉林諮議局農工商慈善教育議事等會公叩

留滬各省代表致諮議局電

真電當已達臨時政府前經擬定武昌現在南京收復鄂軍務趕緊援鄂之師北伐之師待發急需統一之令同人公議不得已暫定南京爲臨時政府所在地公舉黃君興爲暫定大元帥舉黎君元洪爲暫定副元帥兼任鄂軍都督藉免動搖而牽大局俟赴鄂代表返滬同到南京再行正式發表所有編制日內併力準備俾得進行無滯事機緊急不得不從權議決務乞鑒督並懇轉致到

鄂各省代表請卽到滬會議一切不勝翹企壽潛德全其美暨留滬各省代表公叩寒印

外務部辦事摘要 十月十五日

張家口來電該處俄郵政局請保護一事本日准俄使來言已電直督核辦並由本部復俄使節略稱該處甚安靜可以無慮毋庸派兵前往

發第一軍總統馮國璋電 十月十四日

十四電悉頃與英使議續停戰條款一停戰三日期滿續停十五日一北軍不遣兵向南南軍亦不遣兵向北一總理大臣派北方居留各省代表人前往與南軍各代表討論大局一唐紹怡充總理大臣之代表與黎軍門或其代表人討論大局以上所言南軍秦晉及北方土匪均不在內除由英使電致英總領事轉達黎軍並奏明外特聞鹽印

發直隸總督陳電

頃據探報革黨勾通鬍匪擬定期分三路起事一由張家口外進攻北京一由

任邱等處進攻保定一由京奉東遵永一帶進攻天津俟南黨兵輪一到卽行舉發等語卽祈不動聲色嚴密預防爲要寒

收東三省總督電 十月十六日

頃據大連關稅務司立花政樹稟稱本關稽查協日警在貔子窩拏獲山砲日刀炸彈等件已函謝大島都督暨日領矣特聞異咸

收直隸總督致內閣外務部理藩部電 十月十六日

接察哈爾黃署都統電據庫倫楊管帶電稱庫獨立欽憲已走俄干預蒙逼營交械事急求電示等語除電令轉電楊管帶速拔全營離庫外特此奉聞卽望卓籌龍諫

收署湖廣總督致內閣軍諮府電 十月十六日

側聞武昌又謀議三日武昌之議果爲全體則可恐有不能漢陽克復武昌驚擾紛紛逃出黎逆謂督師紅山出城而去若由上游渡兵三四千不戰而克今復一再緩期將任死灰復燃瑞初七夜到蕭當令同謀馳商外假仁義之名謂

不窮迫速卽肅清黃陂楊羅後用馬兵監視再令施于兩混成標併力西向痛加剿除不難冰消而前途大不爲然致令滋蔓直陷襄陽等州郡旣誤於西若再誤於東將如大局何據連日報告距黃陂三十里外以至楊羅此四五十里之間三五千不等總計之不下萬人有兵衣有便服云內有江西兵數千炮三十餘尊鄭某統帶云云瑞因病懇請開去差缺的確實情統乞迅速主持祺瑞叩十六日

收署理湖廣總督致內閣電

十月十六日

頃據棗陽瞿令稟稱聞襄陽初九日失守請派兵堵禦等語若匪由棗陽東犯直達廣水或北犯信陽鐵路一斷南北驚恐擬請將彰德新練之兵酌撥一路速至應山節節前進該處均係山路尙易堵禦或更由第四標酌撥山礮隨往惟武勝關駐有河南陸軍巡防各一營或先撥一營前往較爲便捷此股不滅將不勝其擾乞鈞酌又已電知豫撫酌派兵隊向新野一帶迎頭痛剿以免北犯祺瑞咸

收新授河南巡撫致內閣軍諮府陸軍部電

十月十六日

竊洛陽一帶匪勢猖厥前因周統領兵到需時當即派委城守尉德啟督率旗營練軍兩營馳赴河南府城防剿茲據該城守尉會同河南府呈報前來後先將城內嚴防十四五更該城守尉率領管帶永祥七十一督隊過渡至關帝冢匪已潛逃祇遇二匪當即格斃追至龍門地方匪衆開槍相拒我兵奮勇進攻力戰四小時斃匪三四十名擒獲十三名已就地懲辦奪獲快槍二支馬騾二匹大小僞旗多杆等語此次係城守尉德啟旗營管帶永祥七十一會同防營管帶羅其祥巡緝隊管帶王忠良協力剿辦尤以馬隊管帶松濤爲得力餘容探明再行續陳耀琳銑

十月十六日

頃接署登州府孫熙澤來電云王傳炯絕無反對省城取銷獨立之事更不慮驚擾內地惟俄美增兵輪四艘迫欲派兵登岸設法止阻始退又南軍有信派兵輪來煙等語已遵電示飭令維持現象矣琦翰

收庫倫電局委員致軍諮府郵傳部電

十月十六日

三大臣於十四日被逼起程由恰入都現在市面時有搶奪有俄兵百餘名晝夜巡查不致大亂庫恰商民數逾十萬張皇無措公舉委員爲商界總董聯絡衆情籌資保護委員會各商董分謁盟長等均不見青東營子西庫倫各派蒙員二人恰克圖蒙員一人蒙兵五十名以保護商界爲詞委員等均未承認屢開談判詰以如何保護商衆則茫無以對並聞活佛獨立西盟暨商卓特巴多未畫押活佛左右尙無一辦筆墨之人壹是俱係口傳此時各國如未承認活佛獨立請轉達政府先與俄國開議保護市面事後酬謝此外無論何事不得干預定議之後請派大員來庫招撫並宣布酌帶兵隊接替俄兵彈壓市面如果蒙衆恐惶准以後之事頗有希望至蒙古雖有調兵四千之說蒙地徵兵千難萬難餉尤難集傳聞活佛略有積蓄然不過數百萬兩除此一項卽欲湊十萬金亦非易事且離卻商人更苦無從籌畫此等烏合之衆十不及華兵之一不足慮也並恐外人暗中助力則非愚慮所及須由政府大展盡籌也委員年

老才疏不堪大事祇可暫時照料目下塞地無處尋覓帮手事無巨細必須躬親精力力苦不給如政府派員來庫但有所知無不忠告各項公事中更不可提及委員姓名恐遭外人疑忌奪取電局也再塞地各局蒙人尙未議及已於會議保商事便請行文各旗凡屬華人嚴禁蒙民騷擾合並申明願保恆叩

收京張鐵路總辦關冕鈞致內閣軍諮府陸軍部電 十月十六日

據駐天鎮段翟工程師司兆麟迭次加急電稱昨夜天鎮白令發急電稟請軍隊速來保護所稱昨晚探得有匪黨數十人藏帶軍械暗地入城城內現無兵隊恐亂起倉卒放假傳車戶趕緊到車站備接軍隊爲名以作聲勢一面嚴行戒備幸未起事惟天鎮陽高爲官軍後路在所必爭早間閱姜軍管帶殿邦稟姜軍門電亦稱大同匪黨聞官軍大隊攻剿大同探得要分衆襲取陽高欲斷官軍後路請急速加撥隊伍前來分守陽高天鎮兩縣俾有後援等語十二日冕鈞面謁宮保徐中堂田副大臣曾將各形勢指陳蒙宮保憲面諭再撥姜軍一營以半營駐紮張家口其餘半營分駐陽高天鎮兩縣藉資鎮攝隨由田副大